

JEHOVA-JAYIRA ²

 Ngiyabonga, Mnaketfu Roy. Asichubeke nekuma umzuzwana nje lapho sisakhuleka. Sikhotsamise tinhloko tetfu, uma nitsandza. Futsi asesicabange nje manje uma kukhona noma yini enhlitiywani yakho longafisa Nkulunkulu akuphendvule ngayo, kusihlwa, sicelo lesitsite, sente nje sateke lapho uphakamisa sandla sakho, futsi utsi, "Nginesicelo embikwaNkulunkulu." Manje asikhotsamise tinhloko tetfu sisakhuleka.

² Babe wetfu loseZulwini, sitsatsa loku njengenhlanhla lenkhulu, kuta kuWe; sati loku, kutsi uma sita ngeliGama leNkhosi Jesu, sitsenjisiwe kutsi sitokwemukela lesikucelako. Manje asiti esiHlalweni sebukhosи sekweHlulela. Impela besingeke sifune kuta lapho, noma esiHlalweni sebukhosи seBulungiswa. Kodvwa tsine...kuta esiHlalweni sebukhosи seMusa, lapho si—sicinisekile kuba neticelo tetfu siphewe tona. Ngoba, besingeke simele kwehlulela kwaKho, kanjalo futsi besingeke siphile ngebulungiswa baKho, kodvwa umusa waKho nguloko lesikucelako. Sitsetselele ke, Nkhosi, ngetono tetfu. Siyakhuleka kutsi Utosipha loko, nekutsi Utoba natsi kusihlwa, uphendvula sonkhe sicelo letotandla lebetikumelele njengoba betiphakanyisiwe. Uyati kutsi bekunani ngaphansi kwalesandla, enhlitiywani. Futsi, Nkulunkulu, akukho kungabata bekukwekugula, nensindziso, nalabatsandzekako. Siyakhuleka kusihlwa, Babe, ikakhulukati ngalabo, kutsi Utobapha ticelo tabo.

³ Manje besikhulumu ngenceku yaKho letsembekile, Abrahama, sichubeka naye kusihlwa, eluhambeni lwakhe. Siyakhuleka kutsi Utosibusisa lapho sihamba sehla ngemgwaco wemakhulu lamanengi eminyaka leyendlula, nenceku letsembekile leyakholwa Livi laKho. Kwangatsi kungaba sibonelo, njengoba Pawula ashо kumaHebheru, ngaloko Abrahama lebekangiko, sibonelo. Futsi siyakhuleka kutsi yena, kukholwa lebekanako, kutokwembulwa kitsi kusihlwa; kukholwa Livi laNkulunkulu, futsi hhayi kuLingabata, Livi linye laLo, kodvwa siLikholwe lonkhe, futsi sikholwe ngiko konkhe Lakushito. Futsi kwangatsi singakhona kubambelela kuleto tetsembiso Lasentele tona, futsi sibe bantfwana ba-Abrahama ngekuba kuKhristu. Sikucela eGameni laJesu. Amen.

Hlalani phansi.

⁴ UMnaketfu Borders utsite kuba mudze kancanyana kunami, ngako ngitofanele ngitsi kuletsa lemibhobho phansanya kancane. Futsi kuyinhlanhla kuba lapha

kusihlwa kulomhlangano futsi, nekukhulekela labagulako, nekwenta nomayini Moya loyiNgeweles lasiyala kutsi siyente. Ngifuna kusho loku, kutusa. Kuwo onkhe emahambo ami kudzabula e-U.S., e-United States naseCanada, ngibone lokutsite itolo ebusuku lokungijabulise ngetulu kwato tonkhe titulo letinemasondvo lengitibone titfululwa, nato tonkhe timboko tibekwe phansi, timphumphutse tibona, tihhulu tiva, timungulu tikhuluma, labafile bavuswa, dokotela usayine sitatimende kutsi “umuntfu bekashashonile, futsi uvukile.” Konkhe loko bekujabulisa. Kodvwa ngesikhatsi ngibone bantfu itolo ebusuku, labangemalunga alelibandla, bemukela liCiniso futsi basukuma ngco emkhatsini webantfu, kuvuma kutsi baneliphutsa futsi batimisele kwenta lokulgangle, loko bekungulokuhle kwendlula konkhe lengikwatiko.

⁵ LiBandla, mhlawumbe uMlobokati sewuvele ukhetsiwe. Kukutsi, Uyalungela manje. KuMtfolo...

⁶ Imvuselelo seyiphelile. Siyakwati loko. Awusekho umoya wemvuselelo. Ema-awa lamabili enkonzo, wonkhe umuntfu uyakhonona. Emvuselelweni, yimini nebusuku, ngaso sonkhe sikhatsi, ayikhawuli. Imvuselelo ayisekho. Futsi ngako-ke sesiyakhwimita nje.

⁷ Abrahama kwadzingeka akujulukele waze watfola similo. Futsi-ke ngesikhatsi sekafole similo, intfo lelandzelako kwaba kumlungiselela lowesifazane ngalesosikhatsi kuLangana nemyen. Leyo yintfo lelandzelako. Niyakhumbula ngesikhatsi amtfola na? Ngesikhatsi sakusihlwa, kuhanya kwakusihlwa.

⁸ Kushacisa besifazane nebesilisa, bobabili, itolo ebusuku; nekubabona, ngenhloniph eVini, basukuma futsi bavuma kutsi baneliphutsa, bafuna kutsetselela kwaNkulunkulu, nekuchubeka. Lena yindzawo yekuba nemvuselelo. Uma iyoke ibekhona imvuselelo lengiyatiko, beyingenteka khona ngalapha, lapho tinhilitio letetsembekile. Ngani? Unalokutsite longasebentela kuko, niyabona. Lokutsite...Labanengi babo batoba ngulabanenkhani, abafuni ubatjle ngako; khumbulani nje, lolohlobo lwentalo yintalo yelihlelo, hhayi iNtalo ya-Abrahama. INTalo ya-Abrahama iyalibona Livi, futsi iyalikholwa Livi, ngekushesha.

⁹ Ngesikhatsi leyongwadla lencane, emtfonjeni ngalobobusuku, wesifazane emtfonjeni...Kwakukhona baphristi naborabi beme lapho, babuka Jesu enta, aniketel sibonakaliso saKhe sebuMesiya kubo, sibonakaliso sekwemBhalo, futsi batsi, “UnguBhelzebule, develi, umbhuli.”

¹⁰ Kodvwa kwatsi nje loko kuKhanya kungamanyata kulowo wesifazane lomncane, ngesikhatsi Amtjela lebekakwentile, Watsi, “Mnumzane, ngiyabona kutsi UngumProfethi. Futsi siyati kutsi Mesiya uyeta, futsi, uma Efika, Utositjela letotintfo.” Niyabona, ngekushesha leyoNtalo lemiselwe

ngaphambili yakubamba, ngoba kwakuyiNtalo ya-Abrahama, ngekweliciniso. Futsi wabona kuKhanya. KwakuLivi. Bekati kutsi Livi lakwetsembisa loko, uma Mesiya efika, Bekatokwenta letotintfo, futsi wakubona loko.

Jesu watsi, “Nginguye Lolokhuluma nawe.”

¹¹ Wagijimela edolobheni futsi watama kwenta labanye bakholiseke. Watsi, “Wotani, nibone uMuntfu Longitjеле tintfo lengitentile. Kungete kwaba nguye yini loMesiya lona?” Niyabona na?

¹² Manje livi nje kubodzadzewetfu. Bengahlala njalo ngitsatfwa njengalonondza besifazane, kodywa angisuye. Niyabona na? Ngesikhatsi ngisengumfanyana lomcane, nganginesipiliyonu lesimunyu; kodywa bengahlala njalo nginenhloniphon lenkhulu ngewesifazane lobekanguwesifazane, dzadze. Kodywa anginato tinhloniphon ngalabo labatisho kutsi bangibo kepha bangesibo. Ngiyatsandza kubona dzadze, dzadze sibili impela, uligugu.

¹³ Kulolusuku lapho besifazane aphendvuketelwe, labaphendvuketelwe kakhulu kuletinsuku leti tekugcina. UmBhalo usho kanjalo. Ngani na? Kuphuma kwemnyaka. Niyakhumbula kutsi kwakuyini kuphendvuketela kwekulala na? Kwakunguwesifazane. Kunjalo. Naselusukwini lwekugcina! Asikaze sibe naloku; sibe neminyaka letinkhulungwane letisitupha kutsi bodzadze batame kuhlala babodzadze. Manje batama kutiphatsisa kwewesilisa, bafaka timphahla njengewesilisa, bakhula tinwele tabo njengewesilisa, nalokunye nalokunye. Abazange sebakwente loko kunoma ngumuphi lomunye umnyaka. LiBhayibeli liyakubiketela loku, kutsi bayokwenta loku etinsukwini tekugcina. Futsi naku lapha nikhona, kuphendvuketela kwebesifazane. Akumangalisi liBhayibeli latsi, “Labo labaphunyuka e—e—eSiyoni bayokhatimula ebusweni beNkhosi, ngalolosuku.” Niyabona, kanjani kutsi labo labaphunyuka!

¹⁴ Wena utsi, “Akwenti mehluko.” Kuyawenta umehluko. Lomunye watsi kimi kungesiko kadzeni, watsi, “Mnaketfu Branham, leyontfo lencane ayenti mehluko.”

¹⁵ Ngatsi, “Kwawenta kuPawula. Futsi Pawula watsi, ‘Uma ingelosi levela eZulwini ifika futsi ifundzise nomayini lenye, ayibe ngulecalekisiwe.’ Noma bangaba bafundisi, noma ingelosi, noma umbhishobhi, papa, nomangabe uyini, akabe ngulocalekisiwe uma nomayini iphambene naLoku.” Niyabona, kunjalo impela. BaseGalathiya 1:8, uma nifuna kuKufundza.

¹⁶ Futsi watsi, “Yebo-ke, angicabangi kanjalo...” Watsi, “Ngibone besifazane labanetinwele letimfishane, bekamnene nje futsi anemoya lomuhle.”

¹⁷ Ngatsi, “Kunjalo impela, ngikubonile loko nami. Kodywa loko akusiko. Niyabona, nifanele nite kuloko lokwashiwo liBhayibeli!”

¹⁸ Kube ke Nkulunkulu watsi kuMosi, “Khumula ticatfulo takho,” futsi watsi, “Nkhosi, ngitovele nje ngikhumule sigcoko, kunaloko?” Niyabona na? Ufanele wente-loko Nkulunkulu latsi kwente! Futsi inkhatsato yako kwakukutsi, lengiyicabangako, angenta ngikhatsateke kakhulu ngako, kutsi bafundisi batobeketelela intfo lenjalo! Kuyini na? Kukhombisa kutsi Adamu wesimodeni lowahamba nemkakhe. Niyabona na? Nkulunkulu ufunu lomunye Adamu lome neLivi, futsi Yena yedvwa, Livi lodvwa. Livi licinisile, kungakhatsaleki! Ungahambi ngaleyondlela.

¹⁹ Akukaze, eminyakeni letinkhulungwane letisitfupha, kuke kube khona kutsi besifazane bake bafisa kuhhula tinwele tabo, bagcoke njengewesilisa, kuphendvuketelwe. Sisesikhatsi sekugcina. Futsi iMerica, nomangubani lowati lesiprofetho, uyati kutsi iMerica imelelwé nguweisifazane. Luku kubitwa “ngenkhluleko yebesifazane.” Inkhluleko yani na? Kwenta njengoba atsandza, sono.

²⁰ Wesifazane angeke ente-loko lafuna kukwenta. LiBhayibheli litsi angeke. Wesifazane ungumkhicito lovele kamuva endvodzeni. Akekho ngisho kulokudaliwe kwasekucaleni. Kunjalo impela. Watsatwa kuwesilisa. Wesilisa bekangiko kokubili bufazane nebulisa; Watsatsa umoya webufazane futsi wawufaka elubhambweni loluvela eluhlangotsini lwakhe. Lalelani! Nicaphelile ngesikhatsi Rebheka ahambile kuyohlangana na-Isaka, ngesikhatsi agcuma ehla ekameleli, watimbonya buso ngeveyili na? Kungani na? Beketa enhlokweni yakhe.

²¹ Abakwati. Bafanele bakwente, nomakanjani. Nicaphelile kutsi wesifazane uma ashada, utimbonya ngeveyili ebusweni bakhe na? Kungani na? Uta enhlokweni yakhe. Futsi liBandla, liBandla, njengoba linguMlobokati, lifanele litimbonye ngeveyili kunoma ngusiphi sivumokholo, lita eNhlokweni yalo, Livi. Khristu uLivi, futsi UyiNhloko.

²² Manje, bangani, angifuni kucala kuloko. Ngi—ngi—bengibuka ngaleya namuhla, netihloko lettingemakhulu lasihlanu, lokunconywana kunetihloko lettingemakhulu lasihlanu, tetimfundziso letijulile eBhayibhelini. Kodvwa ngifuna nje kuhlala na-Abrahama kulomhlangano, ngandlelatsite.

²³ Niyati, ngiyakholwa iNkhosi ingahle, uma bazalwane bangakhatsateki, futsi uma wonkhe umuntfu, ngingatsandza kubuyela lapha futsi ngibambe imvuselelo lapho ningahlala khona sikhashana, niyabona, lapho besingehla khona impela futsi nje sibuke. [Libandla lishaya lihlombe—Umhl.] Ngiyabonga. Ngiyabonga. Ngiyabonga. Ngiyati kunenhlanti lapha, ngi—ngi—ngiyakwati. Futsi ngiyatsandza kudoba. Futsi ninalokuphatsekako lengingasebenta ngako, umuntfu lotsite

lotsembekile. Noma ngubani angaba neliphutsa. Anati; ngifa nsuku tonkhe, emaphutseni ami, futsi ngitame kuphila phambi kwaKhristu. Futsi nomangubani lomkhulu ngalokwenele, futsi anaMoya lowenele waNkulunkulu kutsi bakhuphuke futsi bavume kutsi baneliphutsa, batsi, “Ngifuna intfo lelungile,” ngineketetsema lokukhulu khona lapho, ngoba, leyo yiNtalo ya-Abrahama sibili. Bafuna kuKwati. AbaKwati ngaphandle uma baKuva. Kodvwa kutofanele Kuvive kucala, batsi, “Kanjani tsine...ngaphandle kwemshumayeli na? Futsi umshumayeli angashumayela kanjani ngaphandle uma Nkulunkulu amtfumile na?” Lelo liCiniso sibili. Manje, caphelani manje.

²⁴ Sibuyela ku-Abrahama manje. Kuncono sibuyele kuye, ngako, futsi sikuchubele phambili. Ningiva kahle, etulu kuyulandi losesitezi etulu lapho na? Si...Kuhle kubona, kusihlwa, sicuku lesihle kangaka. Nibantfu labatsandzekako lapha. Impela ngi...

²⁵ Bengikhulumu nemngani namuhla, lovela eCanada. INkhosi ingiholele entasi endzaweni letsite lapho bengifanele ngibukisise lokutsite kutsi kwenteke. Futsi-ke ngimile...Lomngani, nighlangene naye, futsi bekakhulumu ngekutsi bantfu baseMerica bebanebungani kanjani. Futsi ngatsi, “Yebo, futsi ekhatsi lapha kuhona lenye i—iNtalo lemiselwe ngaphambili yaNkulunkulu, ekhatsi nakuletindzawo leti, futsi kulendzawo lembi kakhulu.” Angikacondzi lidolobha lenu lapha. Lidolobha lami, lengiphuma kulo, likhohlakele nje njengelenu. Kodvwa umhlaba wonkhe ukhohlakele, kodvwa lamafuhlufuhlu onkhe lintante laya eNshonalanga. Siyakwati loko. Imprucuko ihambe nako. Futsi lapho imphucuko ikhona, ngulapho la sono singena khona. Kunjalo. Kubuke phansi etulu lapha. Lena yindzawo yemathuna yemshumayeli. Kunjalo. Buka eLos Angeles, yonkhe intfo nawo onkhe emave enkholoze khona ekhatsi lapho, futsi wonkhe umuntfu unesivumokholo, imfundziso. Kufaka Livi lapho, angeke ukwente. Konakele kakhulu! Kunjalo. Emadimon, bodeveli, khona ngco esihlalweni saSathane! Kodvwa noko ekhatsi kwako konkhe, kuhona iMbewu letsite ekhatsi lapho, futsi. Futsi intfo kuphela longayenta kusabalalisa kuKhanya. Futsi uma noma ngukuphi kwaloko kuKhanya... Uma kuhona iMbewu lapho, itokuta ekuPhileni ngekushesha nje uma kuKhanya kuyishaya. Ufanele nje uhlanyele kuKhanya, nguloko kuphela. Futsi Yena ukuKhanya kwakusihlwa, siyakwati loko, Livi laKhe.

²⁶ Manje, itolo ebusuku sishiye Abrahama. Ngicale e—esahlukweni sema 22, kodvwa angisicedzanga, ngoba ngiye ngasekela emuva kuloko Abrahama lebekangiko ekucaleni. Futsi simshiye itolo ebusuku lapho Nkulunkulu bekacinisekisa sivumelwano naye. O, ngiyakutsanza loko. Kudzabula sicuku, kwenta si—sivumelwano na-Abrahama. Futsi kutsi sinako

kanjani...Ngesikhatsi Abita Abrahama, futsi bekatocinisekisa sivumelwano kuye, Wamtjela kutsi akatsatse tilwane letineminyaka lemitsatfu budzala letintsatfu, futsi atehlukanise. Futsi sinalokutsatfu. Asinaso sikhatsi sekungena kuko. Hhe, ungahlala kuleyo yinye, leyondzaba yinye khona lapho, kute kube sekuseni, beyingeke ichazwe. Kodvwa utsi nje kushaya tindzawo letiphakeme, bese ulindzela Moya loyiNgcwele kulesikhatsi kwembula konkhe kwako.

²⁷ Manje, kanjani kutsi kuphelela, uMhlatjelo lophelele, kuphelela, Nkulunkulu wapheleliwa emphilweni yemuntfu loko Lebekatokwenta. Siyati sine...SasinaNkulunkulu Babe, lobekanguJehova Somandla. Khona-ke Loko kwakuseNsikeni yekuKhanya, kwatsatsa Israyeli wadzabula ehlane. Futsi LowoJehova lofanako uba yinyama futsi wakha emkhatsini wetfu, esimeni seNdvodzana yaKhe letelwe yodvwa, wadala liTabernakeli laYo luCobo kutsi ihlale kulo, Nkulunkulu abonakaliswa enyameni. Kugewala kwaNkulunkulu ngekwemtimba kwakuhlala kuYe, kubonakaliswa lokuphelele. Khona-ke (ngesivumelwano) incenyemuntfu yaKhe yasuswa, yancunywa, kute Yena (lesivumelwano lesi) ehlukanise uMtimba lowafa, iNgati leyacitseka ngenga yekutsetselelwa kwetono, futsi Wayivusa futsi Wayihlalisa ngasesandleni saKhe sekudla, futsi watfumela Moya emuva eluSukwini lwePhentekhosti. Futsi loko kuPhila lokufanako lokwakuhlala kuKhristu Jesu kutofanele kuhlale kubantfu besivumelwano, kuPhila lokufanako kwenta intfo lefanako. Jesu watsi kuJohane 14:12, "Loyo lokholwa ngiMi, lemisebenti leNgiyentako naye utawuyenta." Manje, loko kusekhatsi kwekutsi kucinisile noma kuliphutsa. Kutofanele kube ngulokucinicisile! Kimi, lonkhe Livi laKo licinisile. Lonkhe Livi licinisile ngalokuphelele. Caphelani kutsi Nkulunkulu usebenta ngalokukhatimula kanjani.

²⁸ Bese kutsi-ke kanjani labo bakaBabe...NjengaMatewu watsi, "Ngako-ke hambani, nifundzise tive tonkhe, nibabhabhatise eGameni leYise, iNdvodzana, naMoya loNgcwele." Niyabona na? Manje, Babe...Akusho kutsi sinaboNkulunkulu labatsatfu. SinaNkulunkulu munye etikhundleni letintsatfu (buBabe, buDvodzana, Moya loyiNgcwele), Nkulunkulu lofanako itolo, namuhla, naphakadze. Kunjalo impela.

²⁹ Manje caphelani kutsi loko kwakukhatimula kanjani loko lokwabonakaliswa ku-Abrahama, nekutsi kanjani kutsi Nkulunkulu, kulokuKhanya loku, wahamba kanjani emkhatsini walamaphisi, awancuma. Njengoba nje i...Sitsetse itolo ebusuku, kutsi bebasenta kanjani sivumelwano, basibhale bese bayasidzabula, kutsi tifanele tihlangane tsaca njengesisila selituba. Lesivumelwano kumele sihlangane tsaca njengesisila selituba.

³⁰ Manje niyabona, bangani, nguloko lengitama kukusho. Ngisho emkhatsini webantfu bakitsi bePhentekhostali, kufanele kulodeveli wekuhlakanipha, lotama kwenta bantfu... Manje, ngiyakholelwa kuto tonkhe tiphiwo taNkulunkulu. Ngiyakholelwa ekumemeteni. Ngiyakholelwa ekukhulumeni ngetilimi. Ngiyakholelwa kuto tonkhe tintfo letashiwo nguNkulunkulu. Kodvwa noko ungeke wetsembela kunoma nguyiphi yaletotintfo tikutsi kungako utfole Moya loNgcwele. Niyabona, imphilo yakho itofanele ihambisane nako. Niyabona na? Yakho... “Watiwa ngetitselo takho.” Niyabona na? Futsi leto tintfo letingikhatsatako namuhla, ngoba ngibona libandla lami lucobo, libandla lePhentekhostali, liba nguloko “simo sekumesaba nkulunkulu,” lisuka eCinisweni. Futsi liletsa liCiniso leLivi kubo, bayakhwesha kuLo. Khonake bacele, “Wotani, hlalani nami,” ngeke bakwente loko. Niyabona, kukhombisa kutsi kukhona lokungalungi. Nguloko lokungikhatsatako. Futsi, manje, akusiko ngekungatsi ngimelene nelibandla lami. Ngi...

³¹ Uma ngitsandza Khristu, kutoba ncono kakhulu kimi kuchosha ngeliBandla laKhe kunekutsi bengingachosha ngaYe. Ngoba benginganconota kutsi bewungachosa ngebantfwana bami kunekutsi bewungachosha ngami. Futsi, khumbulani, bengihlala ngicabanga kutsi, kube benginemtfonsi lamabili eNgati yaJesu mbamba elucwembeni, bengingakubamba kanjani Loko, kutsi angikaYicitsi. Beningahamba ngekucaphela mbamba. Kodvwa kusihlwia nginalokukhulu kunaloko, ebusweni baKhe, nginalokutsengiwe ngeNgati yaKhe. Niyabona, Wacitsa iNgati yaKhe ngenca yenu. Futsi ngilapha njengemshumayeli kusihlwia, ngibamble, noma nginikhombisa siphetfo senu saPhakadze. Ngako-ke angeke ngibhekisele kunoma ngusiphi sivumokholo noma nanoma ngumuphi umbhededesho; kutofanele kube Livi, ngoba nguleyo intfo letokhonsa. Kukholwa kwami kwakhelwe eVini, futsi Khristu uLivi. Futsi uma Khristu entiwa Livi, khona-ke Livi lentiwe labonakaliswa ngco emkhatsini wetfu. Niyabona, kutofanele kubenjalo!

³² Manje, ngako-ke, ngiyakholwa kutsi Nkulunkulu weliThestamenti leLidzala, konkhe loko Lebekangiko, Wakutfululela kuJesu iNdvodzana yaKhe. Futsi konkhe loko Jesu weliThestamenti leLisha bekangiko, Wakutfululela eBandleni Lalitsenga ngeNgati yaKhe luCobo. Niyabona na? “Kusesikhashana nje nelive,” ikosmos lapho, luhlelo lwemhlabo, “lingeke lisangibona. Noko nine nitoNgibona,” nine, libandla, “ngoba Ngitawuba nani, ngibe ngisho nakini, kute kube sekupheleni kwemhlabo.” Khona-ke kuPhila, leso siVumelwano, lowoMoya lowakhishwa kuKhristu eKhalvari, ubuyisiwe futsi watfululelwa etikwebantfu, iNtalo ya-Abrahama, kutsi Nkulunkulu wenta setsembiso kuyo.

Khumbulani, kwakungesiyo yetintalo tonkhe takhe, kodvwa i “Ntalo.”

³³ Manje, kunemfundziso yekumiselwa ngaphambili lebolile, umbhedvo. Kodvwa kukhona kumiselwa kwangaphambili mbamba kweliciniso. Nkulunkulu, ngekwati ngaphambili, bekangamisela ngaphambili ngoba Unekwati ngaphambili. Nkulunkulu akatsandzi kutsi noma ngubani abhubhe, kodvwa, njengaloku anguNkulunkulu longenasiphetfo, bekati kutsi ngubani loyobhubha futsi ngubani longeke abhubhe.

³⁴ Kungalesosizatfu Asho ngaphambi kwa-Isaka noma—noma...ngaphambi kwaJakobe noma Esawu atalwe, Wamtondza Esawu futsi wamtsandza Jakobe. Kwati ngaphambili kwaKhe kwaMatisa kutsi Esawu bekangumkhohlisi, futsi WaMatisa kutsi Jakobe bekalihloniphah lelolungelo lebutibulo; kungakhatsaleki kutsi bekalitfole kanjani, bekalifuna. Manje, bobabili labafana, emawele, batalwa ngumake longewelesofanako nababe, kodvwa munye wabo bekasigebengu futsi lolomunye beka—bekalikhholwa. Manje Nkulunkulu, ngekwati ngaphambili kwaKhe, bekakwati loko.

³⁵ Manje, Nkulunkulu, ngekwati ngaphambili, A—Akalihleli libhizinisi laKhe njenga...Bewungeke ulente libhizinisi lakho ngaleyondlela, ecembeni lelingakabambeleli ndzawo kanjalo. Nkulunkulu bekati, ngekwati ngaphambili, kutsi ngubani loyosindziswa, ngako Watfumela Jesu kubamba labo Lababona ngaphambili labayosindziswa. Fundzani base-Efesu, sahluko 1, futsi nitokubona. Niyabona na? Manje, lapho.

³⁶ Khona-ke Utfumela phansi liVangeli laKhe futsi uyaLihlanyela, utfumela phansi uMoya waKhe kuLenta liphile. Manje, omabili atokhula ensimini lefanako, emaHebheru 6 asitjela loko, “Kutsi imvula ita kanengi,” Jesu watsi, “etikwemhlabatsi,” futsi nicaphelile ekhatsi lapho, “kuwunisela, kulungisa umhlabatsi; kepha emanyevela netinchachabutane, lokusedvute nekwaliwa, kuphela kwawo kukushiswa.” Niyakutfolana? Manje khumbulani.

³⁷ Sitotsatsa insimu yakolo. Nine bantfu nihlanyela kolo lapha. Futsi naku ku—kufika somiso. Nati tintsandzela noma lukhula lonalo lapha, lukhula lolutsite lolwatiwako luchluma ensimini; tintsandzela ensimini, lukhula loluphuma lokusalubisi uma esondvweni...insimu, tinchachabutane ensimini. Futsi kolo usensimini. Bobabili bomile. Futsi imvula ayiteli lukhula, kodvwa itela kolo, kodvwa lolokhula loluncane lutoma mpo futsi lutfokote kakhulu nje njengoba kolo atokwenta.

³⁸ Kodvwa ngetitselo tabo uyatiwa. UMoya lofanako uwela etikwemzenzisi futsi utomemeta futsi achubeke njengabonkhe, kodvwa imphilo yakhe nguloko lokufakazela loko langiko. Niyabona na? Futsi setsembele kakhulu emuzwensi.

Futsi namuhla insimu igcwele tonkhe tinhlobo temizwa, lonkhe luhlobo lwemuzwa lolungekho ngekwembhalo nako konkhe lokunye. Impela. Kodvwa sifanele sibuyele eVini, liCiniso leLivi. Livi, leLakusho!

³⁹ Manje, Nkulunkulu atjela Abrahama kutsi ngaye, sivumelwano sesitsatfu, futsi sivumelwano lesikuphela. Jesu kuphela bekakuciniswa kwalesivumelwano Lasenta na-Abrahama, iNtalo yebukhos, iNtalo yaMoya.

⁴⁰ Futsi kini nine bangani bami labaligugu labangemaKhatolika, uma nitsi, "Yethi, Mariya, nina waNkulunkulu," aninamahloni yini? Mariya angaba kanjani ngunina waNkulunkulu na? Bekangeke abenguye. Wena utsi, yebo-ke . . .

⁴¹ Ngangikhulumu nalomunye ngalelelinye lilanga, behlukile. Basho ku—kutsi Jesu bekayi—yintalo ya—yaMariya. Uma Bekayintalo yaMariya; ngaphambi kwekutsi intalo yayingehla ngelishubhu, kwakuyobakhona umuzwa kuyiletsa. Khona-ke wenta Jehova . . . Uyabona kutsi uMenta enteni na?

⁴² Nkulunkulu, uMdali, wadala kokubili licandza nesakhi-Ngati, futsi laveta liTabernakeli. Futsi umuntfu bekangakaphatselani ngalutfo naLo! KwakunguNkulunkulu yedvwa! Kunjalo.

⁴³ Bekanguwesifazane lolungile, impela. Kunalabanengi labahle labahle lapha kusihlwa. Futsi lapho Nkulunkulu sekacedzile kusebentisa nomayini, kuyasuka enkhundleni. Futsi akasuye umlamuleli. Akasuye unina waNkulunkulu. Ungulolungile, wesifazane longewe eNkhatimulweni, ngoba wafeza injongo yaNkulunkulu. Futsi wonkhe wesifazane ekhatsi lapha unelituba lelifanako, mhlawumbe hhayi ngendlela lefanako, kodvwa kukhonta Nkulunkulu. Niyabona na? Nkulunkulu utokusebentisa.

⁴⁴ Wamsebentisa nje njengemshini wekuchobosela, kodvwa loMntfwana bekawaNkulunkulu. Ya, BekanguMdali wako kokubili licandza ne-himoglobhini. Futsi i-himoglobhini, kusobala, ivela ebulilini besilisa; futsi BekanguMdali waloko. Futsi Mariya waletsa loluswane ngaphandle kwanoma ngumuphi umuzwa, kungekho ngetulu kwaMoya loNgewe umpsibekela futsi udala esibeletfweni sakhe lesakhi-Ngati nelicandza lokwaveta uMuntfu, Khristu Jesu.

⁴⁵ Futsi leso kwakusivumelwano Nkulunkulu lebekabbala ngaso, kutsi ngesikhatsi Nkulunkulu entiwe umuntfu emkhatsini wetfu, khona-ke Wadzatjulwa wehlukaniswa emkhatsini. Niyabona, labatsatfu babo, iminyaka lemitsatfu budzala, khona-ke badzatjulwa behlukaniswa emkhatsini. Futsi Nkulunkulu watsatsa incenye yinye yaKhe waya eKhaya naYe, futsi watfumela lenye incenye phansi lapha. Manje uma loMtimba uhlangana futsi, utofanele ube kuPhila lokufanako

lokubusa lowoMtimba utofanele ube kuPhila lokufanako lokubusa loMtimba. Futsi BekaLivi. Futsi ULivi! Niyabona na? Futsi lemisebenti leLivi lelayenta ngalesosikhatsi lenta intfo lefanako namuhla. ULivi, Livi laPhakadze. Futsi Livi laNkulunkulu liPhakadze. Kulungile.

⁴⁶ Manje Bekentani na? Enta indlela, akhombisa, ati kutsi Israyeli, intalo yemvelo, yayitoMala; kodvwa ati kutsi iNtalo yasebukhosini, hhayi ngeludzaba lwekululana naSara, kodvwa ekukholweni loko Abrahama lebekanako, lokwaveta Khristu, leyo yiNtalo yasebukhosini yato tonkhe tive, lokuhlanganisiwe, uMlobokati aphuma kuto tonkhe tive. Abrahama, uyise wetive, hhayi ngoba bekane... wahlala nemkakhe, Sara, futsi watala indvodzana, kodvwa ngoba walikholwa Livi. Amen. Ngulokoke.

⁴⁷ Manje siyatfola, emvakwaloku, lesentakalo lesikhulu. Manje sita ngalapha esahlukweni se 17. Sitotama kufinyelela kulema 22, uma kungenteka. Sahluko se 17. Niyalutsanda luhambo na-Abrahama na? Ngiyalutsanda nje kukubukisisa. Ngoba kungani na? Konkhe lakwentako kwakungumfanekiso lophelele weliBandla. Niyakukholwa loko na? Caphelani, yonkhe imiBhalo iyakufanekisa.

⁴⁸ Bukan Joweli, watsi, "Kuyokwenteka kutsi ngetinsuku tekugcina, kutsi Nkulunkulu uyotfulula uMoya waKhe." Kanjani kutsi kuyofika inkumbi futsi idle libandla laKhe! "Loko sibotfo lesikushiyile, inkumbi; nenkumbi, inkasa." Futsi silokatana lesifanako, silwanyana lesifanako ngetigaba letine letihlukene. Ngasinye sidla incenye. Naku kufika inkasa lendzala noma inkumbi futsi idla ligcolo, nalesinye sidle sitselo, bese—bese—ke kuta letinaye letimunya kuphila kwaso. Ngulaphoke...

⁴⁹ Khristu, lesoSihlahla lebesisensimini yase-Edeni! Kwakunetihlahla letimbili ensimini yase-Edeni. Letihlahla letimbili tatibekwe lapho ngenhoso yekutala. Futsi ngesikhatsi... Eva, bekasihlahla sekufa uma bekatsintsiwe. Futsi Khristu bekaSihlahla sekuPhila. Manje ngalowesifazane kuta kufa; ngeNdvodza kuta kuPhila.

⁵⁰ Manje ngesikhatsi Eme lapha akhulumna nemaJuda, Watsi, "Ngi...wakho..."

⁵¹ Batsi, "Bobabe betfu badla imana ehlane iminyaka lengemashumi lamane."

⁵² Watsi, "Futsi bona, bonkhe, bafile! Kodvwa NgiSinkhwa sekuPhila, Sihlahla sekuphila, lesivela kuNkulunkulu siphuma eZulwini, kutsi umuntfu lodla leSinkhwa lesi futsi angeke aze afe."

⁵³ Nkulunkulu wabeka emaSerafi lapho, agadza lesoSihlahla, kutsi akekho longaSitsintsia. Manje UnemaSerafi ngephandle, latama kuwafaka kuleSihlahla. Ngaletu lusuku, babona

umbono, lebebawufuna kuleSihlahla, kutsi babuyele ngaphandle kwekubuyisana. Kodvwa manje emuva kwekubuyisana sekwentiwe, develi uyabaphumphutsekisa, ubaphambukisela ngakulendlela basuke kuleSihlahla. Caphelani.

⁵⁴ Ngesikhatsi Khristu efika emhlabeni, BekaSihlahla saNkulunkulu lesiphelele. Davide waMbona kumaHubo 1, watsi, "Sihlahla lesihlanyelwe ngasemfuleni, imifula yemanti." Imifula leminengi, eManti manye; tiphiwo letinengi, uMoya lofanako. "Emacembe akhe ngeke abune."

⁵⁵ Kodvwa ngesikhatsi Efika emhlabeni, kwentekani na? Emandla emaRoma agawula lesosihlahla asiwisa futsi aM lengisa esihlahleni lesentiwe ngumuntfu. Wase-ke Nkulunkulu uvusa lesoSihlahla futsi waSibeka ngesekudla, futsi watfumela uMoya emuva kwenta uMlobokati waKhe, njenga-Adamu beka fanele ngabe unaye ensimini yase-Edeni. Futsi ngesikhatsi lesosihlahla sicala, kwakusihlahla sephen tekhosti.

⁵⁶ Siva papa atsi, "Onkhe emabandla, buyelani ebandleni lelingumake, ekucaleni. Buyelani eRoma!"

⁵⁷ Ngifuna somlandvo munye, umfundisi munye, noma lomunye umuntfu asukume, angibuke ebusweni futsi angikhombise kutsi libandla lacala eRoma. Libandla licala eJerusalem ngeluSuku lwePhentekhosti! Ngulapho-ke. Inhlangoano icala eRoma, eminyakeni lengemakhulu lamatsatfu nentfo letsite kamuva. Kodvwa liBandla licala ePhentekhosti; Nkulunkulu avusa sihlahla seMlobokati waKhristu, ngaMoya lofanako lowawukuKhristu, avusa sihlahla seMlobokati. Futsi kwentenkan na? Lapho sacala khona kububula, kukhula, silokatana saseRoma safika kuso futsi sacala kusephula. Loko sibotfo lesikushiyile, inkasa iyakudla, kuze kuhambe kuyotsi ngcu esicwini.

⁵⁸ Kodvwa Nkulunkulu watsi, "Ngiyobuyisela, kusho iNkhosi." Lesosihlahla sitohluma futsi, ngoba Sihlahla seMlobokati silandzela uMlobokati.

Kwase kuvumbuka Luther, Wentani Yena? Ulandzela kulungisiswa.

⁵⁹ Nguleyondlela impela libandla lelingenya ngayo, Johane ashumayela kulungisiswa. Ekhatsi kuta Khristu, ashumayela kungcweliswa. EmaHebheru...ngicondze Johane loNgcwеле 17:17, "Bangcwelise ngeliCiniso, Babe. Livi laKho liliCiniso." Futsi BekaLivi. Kunjalo. BekanguMhlatjelo. Khona-ke, ngeluSuku lwePhentekhosti, naMoya loNgcwеле. Kulungisiswa; kungcweliswa; futsi ngesikhatsi lesihlahla semukela umbhabhatiso waMoya loNgcwеле, kwakusihlahla seMlobokati lesigcweli!

⁶⁰ EmaRoma asidla asicedza. Kwatsi nje singashona phansi, siyenyuka! Futsi njengoba sicala kwenyuka ngaLuther, ini?

Ngemuva kwekufa kwaLuther, bakuhlela. Wentani uMlimi na? Watsena lemivini lefile lemizdala wayisusa.

⁶¹ Wesuka wahamba, wachubeka, inhilityo yesihlahla ikhula. Sihlahla lesimiselwe ngaphambili! LeyoMbewu ilele lapho, itofanele ivele! Futsi iyavumbuka phindze, naWesley wacala. Futsi babe nemvuselelo lenkhulu ngaphansi kwekungcweliswa. Kwentekani na? Waphindze wasitsena futsi, ngesikhatsi bahlela. Ayikaze iphindze inhlangano ivuke. Ayikaze ngisho nayinye leyake yawa leyake yaphindze yabuya futsi.

⁶² Kwase-ke kufika emaPhentekhostali, nekubuyiselwa kwetiphiwo. Kwentani na? Kwahlelwa! Wentani Nkulunkulu ke? Wasitsena wasisusa!

⁶³ Kodwaa Watsini? “Ngiyobuyisela, isho iNkhosi.” Utokhipha lesosibumbatsa, liBandla leligezwe ngeNgati, lelitsengwe ngeliBhayibheli, neLivi lelicinile, uMlobokati! TiBane takusihlwa tiyacisha. Sivutfwa kuphi lesitselo na? Etulu esicongweni sesihlahla. Naku ngihamba futsi!

⁶⁴ Ngibuyela ku-Abrahama, emuva, asiye ku-Abrahama. Nangu Eta, iNtalo yasebukhosini yesikhatsi sakusihlwa ingena. Tive... Caphelani manje emvakwesahluko se 17, siyatfola lapha esahlukweni se 17, Nkulunkulu wabonakala ku-Abrahama ngeliGama laNkulunkulu Somandla.

⁶⁵ Abrahama bekaneminyaka lengemashumi layimfica nemfica budzala, futsi sonkhe lesikhatsi lesi bekangakaze ayekele kucindzetela, kodwaa walikholwa Livi laNkulunkulu; futsi wabita tintfo letatingekho ngekungatsi tatikhona, ngoba Nkulunkulu washo njalo, asolo akholwa kutsi luswane lwalutofika, abambelele esetsembisweni. Indvodza lenjena pho! Umnaketfu lonjena pho! “Abrahama, yena kungekhotsema...” Sibeletfo saSara sasifile. Bekangatali. Umtimba wakhe ufile. LiBhayibheli lasho kutsi wawunjalo, kutsi umtimba wakhe wase ufana nalofile. Futsi sibeletfo saSara sasifile. Futsi manje bekasacishe impela asondzele eminyakeni lengemashumi lamane ayekela kuya esikhatsini, futsi noma kunjalo Abrahama bekasakukholwa, kutsi bekatoba neluswane ngoba Nkulunkulu washo njalo. Nako laph'ukhona. Abambelele eVini ngoba Nkulunkulu washo njalo! Kungakhatsaleki kutsi yini, tivumokholo letatiLimbonyile, futsi, leloLivi lalisolo lilele lapho! Kwakufanele kufike. Futsi leloLivi lilele enhlitiywensi ya-Abrahama!

⁶⁶ Akunandzaba kutsi bangakhi lotsi, “Tinsuku taloku seluphelile, nalokwa lapho.” Kuphela nje uma leloLivi lilele lapho, litodala, ngoba Livi lelingamila. Ngoba, Nkulunkulu uLivi, futsi kuPhila kwaNkulunkulu kuseVini. Caphelani manje ngesikhatsi leloLivi liwela ekuPhileni kwaNkulunkulu, lokutsite kuyenteka, kuyafezeka. Manje caphelani.

⁶⁷ Khona-ke Wabonakala kuye eGameni laNkulunkulu Somandla. Manje, Nkulunkulu unemagama lasikhombisa layinhlanganisela ekuhlenga. Futsi Wabonakala kuye lapha esimeni saNkulunkulu Somandla, lokusho kutsi “El Shaddai.” Ekhatsi... “Shaddai,” ngesiHebheru. *El* kusho “lonemandla.” *Shad* kusho “libele,” njengelibile lewesifazane. Futsi manje esikhundleni sekuba ngu “shad,” bunye; “Shaddai,” bonyenti. Manje indvudvuto lemmandzi kangaka pho ekhehleni, lelineminyaka lelikhulu budzala, libambe Livi laNkulunkulu enhlitiyweni yalo, futsi lapha liPhimbo laNkulunkulu lita kulo latsi, “Ngingu El Shaddai. NginguNkulunkulu lonemaBele.”

⁶⁸ O, indvudvuto lenje pho lesinayo! Manje, hhayi, khumbulani, hhayi nje “libele,” kodvwa “lonemabele”! “Walinyatwa nganca yetiphambeko tefu; ngemivimba yaKhe siphilisiwe.”

⁶⁹ Manje, wentani make, neluswane lakhe loluncane, uma lugula futsi lutetema na? Uyamcukula lomfo lomncane. Umphakamisela ebeleni lakhe, futsi yena...umunya emandla amake angene emtimbeni wakhe lucobo ngelibile. Futsi hhayi kutsi kuhela uyasutsa noma u...Uyathula. Umemeta ngalo lonkhe liphimbo lakhe, uphatamisekile wonkhe; kodvwa lapho make amphakamisa futsi ambeka...ambeke ebeleni lakhe, futsi ucala kuvungatela kuye, amlolotela amyisa emuva nasembili, uyamuva unina, inhloko yakhe isesifubeni sakhe, bese ucala kumunya nekudvonsa emandla kunina, angene emtimbeni wakhe. Uyatihlumelelisa, atenta acine; kantsi futsi uyatenelisa, lapho ngelusuku nelusuku uyakhula uya ngekubanemandla nemandla.

⁷⁰ Lwati lolunjena pho eNtalweni ya-Abrahama! Usenguye Nkulunkulu Somandla, El Shaddai! Singabamba noma ngusiphi setsembiso Lasenta eBhayibhelini. INTalo yaKhe, bantfwana baKhe, uma ugula, bambelela nje ebeleni lesetsembiso seLivi lelatsi, “Ngemivimba yaKhe siphilisiwe.” Kuyanelisa! Futsi siyadvonsa njalonjalo, emandla etfu, lavela Kulonemandla, El, Lonemandla, LoPhakadze, sidvonsa kuPhila kwaKhe kuYe, ngesetsembiso saKhe.

⁷¹ Umuzwa lonje pho lokuwuniketa umuntfu lolele esifubeni saEl Shaddai, akholwa, sati kutsi simunya emandla aKhristu, esetsembisweni saKhe, kitsi!

⁷² Ngesikhatsi El Shaddai eyamise Abrahama esifubeni saKhe, iminyaka lengemashumi lamabili nesihlanu ngaphambili; likhehla, lineminyaka lengemashumi lasikhombisa nesihlanu, nemkalo anemashumi lasitfupha nesihlanu; akazange nhloblo alishiye leloBele. Wahamba wachubeka ngco wadzabula eveni lebetive, emkhatsini webantfu betive lebebangamati Nkulunkulu, kodvwa njalonjalo waniketa bufakazi futsi bekacinile ekukholweni, aniketa ludvumo kuNkulunkulu, ngoba bekati kutsi bekadvonsa kulesosetsembiso.

⁷³ Litsemba lelinje pho ebandleni kusihlwa, e-aweni lebumnyama, inkholelo-ze, umuzwa, kuhlakanipha. UMoya loyiNgcwele watsi, "Etinsukwini tekugcina kutofika libandla lelinekuhlakanipha. UMoya ukhuluma ngalokucacile," Thimothi wekuCala 3, "kutsi ngetikhatsi tekugcina labanye bayohlubuka ekuKholweni, banaka imimoya leyenganako, netimfundziso tabodeveli," impela, "banesimo sekumesaba nkulunkulu." Bebentani na? "Banemawala, labakhukhumele." Dokotela Ph.D., LL.D., QST, tonkhe leticu leti. "Kungani, Dokotela *S'bani-bani*, sikhatsi lesikutsi-nekutsi, ngumfundisi wetfu."

⁷⁴ Nginganconota kutsi indvodza letsite ibe semndenini wami, noma umntfwana wami, lobengakawati umehluko emkhatsini welibhontjisi lelicetuliwe nelikhofi, kepha ati Khristu! Kunjalo. Mtsatse ngimuyise ngaleya endzaweni letsite ngasesicwini lesidzala futsi aguce ngemadvolo akhe futsi ukhuleke naye aze Moya loyiNgcwele angene kuye. Nginganconota kuba nako loko kunayo yonkhe isayensi yengcondvo longayitfululela kuye ngeticu tadolotela. Umtjеле Livi laNkulunkulu! Yebo.

⁷⁵ "Kodvwa labanemawala, labakhukhumele, labatsandza injabulo kunekutsandza Nkulunkulu, labephula tivumelwano, bakhapheli, labangatitsibi, labatondza labo labalungle."

⁷⁶ O, wena utsi, "Lobo buKhomanisi." Cha, cha! Loko kubitwa ngemaKhristu.

⁷⁷ "Benesimo sekumesaba nkulunkulu, kodvwa eMandla ako bawaphika, labo-ke ubagweme. Ngoba labo ngulolohlolo lolungena indlu ngendlu, bahola besifazane labatiwula, bachutjwa tinkhanuko letinhlobonhlobo, bangeke bakhone kufika ekulatini liciniso." Kunjalo. Nguloko lokungiko. Futsi sibona lolosuku.

⁷⁸ Futsi indvudvuto lenje pho yelikholwa, kutehlukanisa nakokonkhe kungakholwa, tonkhe tivumokholo tabo tekungamesabi nkulunkulu, tonkhe timfundziso tabo tekungamesabi nkulunkulu, futsi kubuka ngco kuKhristu futsi kubita Livi, futsi ubambelele kuleloLivi uze uLibone libonakaliswa. Akunandzaba kutsi ufanele ulindze sikhatsi lesingakanani, hlala lapho! Nkulunkulu wakwetsembisa. Wakuholela kulo, bambelela kulo! Hlala lapho. Ungakubuyiseli emuva. Hlala lapho ngco. Uma ucinisekile ngalo, utohlala lapho. Kodvwa uma untengantenga, utotichacha kunomayini lencane. Ingobiyane ihlwitsa tintfo leticwebetelako, kodywa libhele libamba kubamba kwalo. Ngako, chubeka uhlale! Yebo, bambelela, kubamba ngci lokuhle!

⁷⁹ El Shaddai! Watsi, "Ngingu-El Shaddai. Abrahama, Ngingulonemandla. Wena ulikhehla. Sewuneminyaka lelikhulu budzala manje, emandla akho onkhe sekaphelile; kodvwa mine

ngingeMandla akho! Litsemba lakho lonkhe seliphelile; kodvwa NgiliTsemba lakho!”

⁸⁰ O, wena lohluphekile, kusihlwa, ngephandle lapha lonemdlavuza netintfo, awuboni yini kutsi avelaphi eMandla akho na? Akaveli emukhweni wadokotela lohlindzako, kodvwa avela eVini laNkulunkulu! “NgiSabelo sakho! NgingeMandla akho! Wena dvonsa emandla akho kiMi!”

⁸¹ Kungesiko kwedzelela dokotela lohlindzako manje; wenta incenyé yakhe loko kukuye. Kodvwa Nkulunkulu unguMphilisi. Kute dokotela lohlindzako, kute dokotela, kute umutsi loke uphilise. Cha, mnumzane, abanawo ngisho namunye loyophilisa. Manje, noma ngumuphi dokotela utokutjela loko. Banetinsita, kodvwa Nkulunkulu unguMphilisi. Bangahle bakusike inkhehlenkhehle esandleni sakho, kodvwa Nkulunkulu utofanele ayiphilise. Abanalutfo lekwakha inyama; uma bebangakhona, bebangamakha umuntfu. Ngako niyabona, Nkulunkulu unguMphilisi. Ungalimisa kahle litsambo, kodvwa Nkulunkulu utofanele aliphilise. Nkulunkulu unguMphilisi, “NgiyiNkhosi lephilisa tonkhe tifo takho.” Futsi angeke wente Livi laNkulunkulu licambe emanga; Litobuyela emuva ngco ecinisweni ngaso sonkhe sikhatsi, khona emuva nje ngco. Angeke uLente licambe emanga.

⁸² Manje batsi liBhayibheli Liyatiphikisa. Ngibutile, futsi ngatjela emadvodza ngitowanika umholo wemnyaka ensimini, uma bengingakhona, konkhe lengingakwenta, kutsi angikhombise livi linye eBhayibhelini leliphipikisana nalelinye. Kunjalo. Alikho. Kungenca yengcondvo yakho yenyama ikubuka ngendlela leyenta ngayo. Moya loyiNgewelete unguMhumushi waleloLivi. LeloLivi liliciniso, libekwe ndzawonye. Kulapho konkhe njenge mdlalo wejig-sowu, kodvwa kubita Moya loyiNgewelete kuLihlanganisa ndzawonye, kuLenta sitfombe sekuhlenga kwaNkulunkulu netibuso taKhe kubantu baKhe. Amen. Alitiphikisi lona luCobo! Awukho ngisho namunye umBhalo, kute ngisho nalinye livesi laLo, leliphipikisana nalelinye. Uma kunjalo, akukalifaneli liphepha lokubhalwe kulo, kuyakhohlisa. Nkulunkulu akakhohlisi. Nkulunkulu ucinisile, ulungile, uncwele, wetsembekile. UnguNkulunkulu.

⁸³ Manje, ngesikhatsi Abrahama atfola leligama, lelitsi “Ngingu El Shaddai. NginguMniki-Mandla wakho! Umkakho, sibeletfo sakhe sesivele somile, sewendlule ngeminyaka lengemashumi lamane ekuyeni esikhatsini, umtimba wakho sewufana nalofile; kepha Ngingu El Shaddai.” Wavele nje watala Ishmayeli, niyati; kodvwa Watsi, “Loyo akusuye. Cha, utoba yindvodza lenkhulu. Utotala tinkhosana letinengi kakhulu. Kodvwa lona lengente ngaye setsembiso, usemkhatsini wakho naSara.” Nguloko-ke! Amen. Abrahama wativa akahle mbamba.

⁸⁴ Watsi, “Manje ngifuna kukutjela lokutsite, Abrahama. Ngitolintjintja ligama lakho.” Watsi, “Angeke usabitwa ngekutsi ungu Abram, kodvwa Abrahama.” Abram kusho “babe lophakeme—lophakeme.” Kodvwa *Abrahama* usho “babe wetive.” Futsi S-a-r-a-y-i akasekho; sewungu S-a-r-a, *Sara*, “inkhosatana.” Wantjintja ligama labo! Yeka ligama le—lelintjintjiwe! Lokutsite kwentekile ngoba ba... Niyabona, kutofanele kube neluntjintjo ngaphambi kwekutsi tintfo tenteke. Bekangeke abanike umntfwana uma nje ligama labo lahlala linguloko.

⁸⁵ Futsi angeke utalwe kabusha uma nje ligama lakho lihlala lingekho eNcwadzini yaseZulwini. Ungahle ulifake kuwo onkhe emabandla, iMethodisti, iBaptisti, iPresbyterian, uliphatsa usuka endzaweni uye endzaweni, uphikisana nabo bonkhe; kodvwa litofanele lifakwe eNcwadzini yaseZulwini ngaphambi kwekutsi nomayini yenteke, nekudalwa lokusha kufike. Ngaphambi kwekutsi imphilo lensha ingafika, emagama abo kwadzingeka antjintjwe. Ungahle udzingeke ultintjintje lakho, futsi, lisuke kuleti letinye tincwadzi letentiwe ngumuntfu, liye etiNcwadzini taseZulwini.

⁸⁶ “Futsi lapho, ligama lakho alisesuye *Abram*, ‘babe lophakeme’; kodvwa *ngu-Abrahama*, ‘uyise wetive.’ Akasekho (*Sara*), Sarayi, kodvwa *Sara*, ‘inkhosatana.’”

⁸⁷ O, lapha siyeta manje ngaleyia manje esahlukweni se 18. Kusuka kule 17, asicondzе ngco kule 18, ngoba nje... Angifuni kukhwesha kakhlulu kuko kusihlwa, kunigcina lapha, ngoba ngifuna nibuye kusasa ebusuku. Manje caphelani. Futsi sitotfola, ngalokukhulu kushesha nje lesingawkwenta, kulema 22. Bukisisani manje. Uma kufika ngalolunye lusuku cishe, mhlawumbe, sitsi, letimbili noma tinsuku letintsattu emvakwaloko, Abrahama naSara, emathende abo lamiswa.

⁸⁸ Entasi le edolobheni entasi lapho, ngiyacabanga Nkkt. Loti bekagcoke tonkhe tingubo tesitayela letinsha lebebanato entasi lapho. Futsi bekenta konkhe kulungiswa kwetinwele nako konkhe lebekanako. Bekaphila ntfontfofo nje, futsi bekanawo onkhe emadvodzakati akhe ngendlela lefanako. Indlela lefanako nje make lomdzala loyingwababane lenta ngayo namuhla, futsi wente onkhe emadvodzakati akhe enta intfo lefanako.

⁸⁹ Manje, kodvwa *Sara*, noko wesifazane lomuhle kunabo bonkhe eveni, ahlala eveni leliyinyumba, ngoba bekabambelele kuye lobkanesetsembiso. Manje kuncono ngikushiye khona lapha, ngoba ngitohamba, ngitoba...ngitonigcina lapha kute kubeskhatxi nebusuku. Wabambelela ku-Abrahama. Kunjalo. Bekanesetsembiso.

⁹⁰ Bambelela kuKhristu, NguYe lonesetsembiso! Usetsembiso. Usetsembiso! Caphelani.

⁹¹ Ngololunye lusuku lilanga liyaphuma lishisa mbamba ngalokunye kusa, Abrahama bekahleti ngephandle emtfuntini welithende lakhe lapho ngasem-okhini. Futsi wabuka entasi, kufanele kutsi kwakungetikhatsi tensimbi yelishumi nakunye, futsi wabona indvodza lamatsatfu eta, akhuphuka, lutfuli etimpahahleni tawo. Futsi Abrahama wagijima waphuma. Kwakukhona lokutsite enhlitiywani yakhe lokwamenta wativela akahle kakhulu, futsi wagijima waphuma futsi wawela phansi etinyaweni tawo. Futsi bukisisa, watsi, “Nkhosi yami!” Akumangalisi na? Lamatsatfu awo; kodvwa “Nkhosi yami”!

⁹² Bukani Loti. Ngesikhatsi lamabili awo ehlela lapho, lamabili nje kuphela, watsi, “Makhosi ami.” Loti wawabita nge “makhosi.” Abrahama... Loti wawabita, lamabili, “emakhosi.”

⁹³ Futsi Abrahama wawabita, omatsatfu kutsi, “Nkhosi! Nkhosi yami!” Amen! O, sikhatsi sesisondze! Caphelani, watsi, “Nkhosi yami, uma ngitfole umusa ebusweni baKho, wota ngalapha, uhlale ngaphansi kwem-okhi. Ake ngiletse emanti lamancane, futsi ngigeze tinyawo taKho, futsi ngitsatse lucetu lwesinkhwa. Ngoba lesi ngusona sizatfu kuphela Lositele ngalapha, kubona mine.” Bahamba baya khona.

⁹⁴ Waphuma futsi wahamba wadzabula ngemuva kwelithende, futsi watsi, “Sara, bhuca imphuphu ngekushesha impela, bese wenta emacebelengwane etiko.” Waphuma futsi walanda litfole lelincane, futsi walibulala futsi walihlindza, futsi wenta emacatsa, futsi waletsa bhotela nelubisi, futsi—futsi wakubeka phansi embikwalendvodza, futsi badla.

⁹⁵ Futsi Lenye yawo kwakunguNkulunkulu cobo lwaKhe! Nguloko liBhayibheli lelakusho. Manje uma ufunu kuphikisana naLo, chubeka. WaMbita nga “Elohim, Nkulunkulu.” Bekafanele ati; bekakhulumna naYe. Caphelani, “Nkhosi Nkulunkulu!” Manje, Lenye yawo kwakunguNkulunkulu. Futsi waMbuka. Abrahama wakucondza. Manje bukan lapho.

⁹⁶ Umfundisi washokimi ngalesinye sikhatsi, watsi, “Mnaketfu Branham, awukacondzi kungitjela kutsi uyakukholwa loko, kutsi leyoNdvodza kwakunguNkulunkulu na?”

⁹⁷ Ngatsi, “Abrahama watsi Yayinguye. Bonkhe bahumushi balihumusha ngendlela lefanako, luhlavu lolukhulu N-k-h-o-s-i. Futsi noma ngubani lofundza liBhayibheli uyati kutsi luhlavu lolukhulu N-k-h-o-s-i ngu-Elohim. Uphuma egameni lelifanako, Elohim! ‘Ekucaleni, ekucaleni, Nkulunkulu wadala,’ Elohim, Somandla, Lokhona ngesingaye, ‘wadala emaZulu nemhlaba.’ NaNguya futsi, eme embikwakhe ngco.”

Watsi, “Yebo-ke, uyati,” watsi, “lowo—lowo kwakungumuntfu nje.”

⁹⁸ Ngatsi, “Impela, Udma inyama, Uyadla, unatsa lubisi, futsi U—futsi U—futsi Udma sinkhwa.” Ngatsi, “Impela, BekanguNkulunkulu.”

Watsi, “Kungenteka kanjani loko na?”

Ngatsi, “Mnumzane, wena—wena . . .”

⁹⁹ Ngi—ngiyetsema kutsi abanilimati imizwa yenu; bebaboFakazi bakaJehova. Futsi watsi kimi, watsi, “Yebo-ke, Mnumz. Branham, buka lapha, ngifuna kukutjela lokutsite. Nkulunkulu bekangeke akwente loko.”

¹⁰⁰ Ngatsi, “Awumati nje Nkulunkulu wami. Nguloko kuphela.” Ngatsi, “Wentiwe ngani umtimba wemuntfu na? IPhetriyamu, iphothashi, nekukhanya ikhosmikhi, netincenyе letilishumi nesitfupha. Intfo kuphela Nkulunkulu lokwakufanele ayente kwehla futsi aphenye iSodoma, Watsi . . . wavele nje wafinyelela ngaleya futsi Watitfolela lokungagewala sandla kwekukhanya kwemhlaba nelizulu nephetroliyamu, futsi watsi ‘Whuu!’ Watsi, ‘Wota lapha, Gabriyeli, ngena lapha.’ Kunjalo. Wafinyelela ngale futsi watfola lokunye lokungacwala sandla kwelutfuli, ‘Wota lapha, Mikhayeli, ngena lapha.’ Futsi Watentela munye naye.” Bekatofanele amelete lokutsite Lebekatoba kuko ngetinsuku tekugcina, ngako-ke Uyehla ngco futsi ukhuluma enyameni yemuntfu. Kunjalo impela. O, ngijabula kakhulu kutsi Ungulolohlob!

¹⁰¹ Ngalelinye lilanga kungahle kungabikhona ngisho lutfo lokungisalele. Ngentiwe ngetincenyе letilishumi nesitfupha, nami. Ngangikama leto letimbili noma tinwele letintsatu lengisele nato, ngalelinye lilanga. Umkami wangibuka, futsi watsi, “Billy, sewuba nemphandla.”

Ngatsi, “S’thandwa, angikalahlekelwa ngisho nangulunye lwato.”

Watsi, “Wawuvamise kuba netinwele letiphotsekile.”

Ngatsi, “Ya, kodvwa angikalahlekelwa ngisho nangulunye lwato.”

Watsi, “Ngiyacela ngitjele tikuphi.”

¹⁰² Ngatsi, “Manje-ke, s’thandwa, awungitjele kutsi tivelaphi ngaphambi kwekutsi ngititfole. Futsi nomangabe tatikuphi ngaphambi kwekutsi ngititfole, tilapho tingilindzile kutsi ngite kuto.”

¹⁰³ Amen! Ludvumo! LiBhayibheli latsi, “Akukho nalolulodvwa lunwele lwenhloko yakho loluyoshabalala!” Haleluya! Kunjalo impela. Lwalungekho, noko lukhona; futsi noko alukho, bese lubakhona-ke. Impela. Kunjalo! IPhetriyamu, kukhanya ikhosmikhi, ikhalsiyamu, iphothashi, nakanjalonjalo. Nkulunkulu . . . Lapho ngingesilutfо, kungekho lutfo longalubona, imilotsa nje, Uyokhuluma, haleluya, aphonsa leyophothashi nephetroliyamu ndzawonye, futsi ngiyophila futsi eBukhoneni baKhe. Haleluya! Usinika kuPhila lokuPhakadze. Amen. “Konkhe Babe laNginike kona, kute lokulahlekile, futsi Ngiyomvusa futsi ngetinsuku tekugcina.” Ngiyakukholwa!

Njengentalo ya-Abrahama, Ngibheke lolosuku! Ngifuna liDolobha Lelo uMakhi neMenti walo kunguNkulunkulu. Amen. Impela. Akunandzaba kutsi lona ushwaphana kanjani futsi uyaphela, netinwele tiyahhohloka, akunandzaba kutsi kwentekani, Nkulunkulu utotivusa futsi, ebuhleni bebusha futsi, ngalolosuku lwekugcina. Wetsembisa kutsi Uyokwenta, futsi ngifuna leloDolobha! Amen. O, hhe! Ngitivela nginekukholwa kakhulu njengamanje, ngati, nalelotsema lelibusisiwe lelingilindzile Lapho. Ngifuna leloDolobha. Inhlitiyo yami ishaya ibheke kuLo. O, akukho ngisho nayinye indlela lebengingaphambuka ngayo, kodvwa ngibuka ngco ngakuleyoNdzawo. Nkulunkulu, ngisite nighlale lapho ngco, ngeliciniso nangekwetsembeka, ngiphonsela ngaphandle intsambo yekuphila, yonkh'indzawo, futsi ngiletsha sonkhe sihambi lesikhatsese lengingakhona kusiletsa, kuhambisana naso.

¹⁰⁴ Yebo, ngaba nembono wayo kungesiko kadzeni, futsi ngiyibonile, futsi ngibone labatsandzekako bami lapho, babuyele babasha futsi. Kulapho. Kulapho. Ngiyati kulapho! Yebo, mnumzane! Manje, mhlawumbe nikufundzile ku*Voice* yeChristian Business Men, nalamanengi emaphephabhuku netintfo lokwakukucuketse. Bangani, loko kwakungesiwo umbono. Ngiyibonile imibono, ngiyati, bekufanele ngati kutsi inani, ngemashumi etinkhulungwane Langinikete yona. Kodvwa loku kwakungesiwo umbono. Ngangilapho, ngime lapho ngco, ngibuka emuva. Futsi ngiyati ikhona. Ikhona, bangani, ikhona! Ngiyati ikhona! Yebo mnumzane! Ngalokucinisekile nje njengoba ngime lapha, ngako-ke ngisiteni, uma nginengcondvo yami ikahle futsi ngime lapha kulepulpiti, ikhona! Nkulunkulu wenta setsembiso saKhe, futsi siliciniso, siliciniso kakhulu! Yebo, mnumzane. Ikhona. Caphelani.

¹⁰⁵ Manje siyatfola, lawa indvodza ahlala phansi futsi ayadla. Futsi lamabili awo asukuma futsi ehlela eSodoma. Yinye yasala na-Abrahama. Asesibuke ingcogco yabo. Bebasolo babuke ngaseSodoma. Futsi Abrahama bekatı kutsi kwakukhona lokutsite lokuncane lokungakejwayeleki ngaloko. Ngako-ke Washo, ngesikhatsi Sekalungiselela kuhamba, Watsi, "Ucabanga kutsi ngingamfihela Abrahama; loku sekatoba nguyise wetive, Ngiyati kutsi utobakhulisa kanjani bantfwana bakhe, kanjalonjalo; lento leNgitoyenta na?" Watsi, "Tono taseSodoma setibe timbi kakhulu tate tangena etindlebeni taKhe." Wehlela kutophenya.

¹⁰⁶ Manje khumbulani, njengoba ngishito ngalolobunye busuku, letimbili taletotifunywa tehlela eSodoma, futsi tashumayela kulabo baseSodoma; futsi tabaphumphutsekisa ngalobobusuku, eVini. Kodvwa, khumbulani, kwakukhona Sinye; bona, bebanesibonakaliso sabo, siHambi emkhatsini wabo.

¹⁰⁷ Bukan Loti. Loti ahleti egedeni, futsi watsi, "Makhosi ami." Futsi aphila ngendlela lenjalo! Batsi, "Ngenani endlini yami." Yatsi, "Sitolala esitaladini." Likhaya lelinje pho!

¹⁰⁸ Kodvwa masinyane nje Abrahama; tatsi, "Lena yinhloso lesiyitele. Siyahlala lapha eceleni kwakho."

¹⁰⁹ Nguleyondlela. Phila kanjalo, kutsi uma Nkulunkulu afuna kukusebentisa, Uyati ngco lapho atokuta akutfole khona. Usendzaweni, uphila imphilo lehlantekile embikwaNkulunkulu, emavi akho etsembekile, imphilo yakho iliciniso. Ngulolohlobo lwendzawo tiNgelosi letita kuyo. Buka lo—lo-Elizabethi naZakhariya, niyabona, kwetsembeka lokulungile, bahamba ngayo yonkhe imiYalo yeNkhosi. Nguleyondlela lesifuna kuphila ngayo, ngako-ke lapho Nkulunkulu sekalungela kusisebentisa, Utsi, "Lona bantfu baMi. Ngingenta lengikufunako ngalelibandla. Bayangikhola. Bema eVini laMi." Niyabona, nguleyondlela lofuna kuyenta, phila imphilo.

¹¹⁰ Manje siyatfola kutsi leNgelosi, Yatsi, "Angeke ngimfihele Abrahama. Kodvwa Ngitokuvakashela ngekxesikhatsi sekuphila." Futsi, caphelani, Akambitanga nga-Abram, Wambita nga "Abrahama." Wati kanjani kutsi lelogama lalintjintjiwe? Nguye Lolowalintjintja. Impela. Caphelani, akazange ambite nga*Sarayi*, niyati, S-a-r-a-y-i. S-a-r-a, "Uphi umkakho, Sara?" Bekati kanjani kutsi bekashadile? Bekati kanjani kutsi bekanemfati, nekutsi ligama lakhe kwakunguSara na?

Futsi Abrahama watsi, "Ulathendeni emvakwaKho." Dzadze sibili nje!

¹¹¹ Namuhla, besifazane baluhlata kakhulu! Njalo... Umyeni wabo angeke ngisho akhulum. Batofanele banamatsele khona ngephandle lapho, sikilidi esandleni sabo, bagcoke lipheya letikhindi, enta konkhe kukhuluma. Sive lesibantu siphendvuketelwe kanjani pho, ufanele abe ngumpheki lomkhulu nemwashi wemabhodlela, konkhe lokunye! Uma esuka ekhishini, ushiya indzawo yakhe yemsebenti, kunjalo, njengamake.

¹¹² Manje siyatfola, besifazane ke bebahlala emuva futsi batiphatse kahle, batiphatsise kwabodzadze, inhloko yabo ngijo leyayitsatsa tincumo netintfo.

¹¹³ Futsi utama kuvumela indvodza letsite itjele umkayo; utsi, "Ngitokunika kutsi ucondze njengamanje!" Phuu! Phuu! Aphuphutsa leyontfutfu iphume emlonyeni wakhe, kubukeka kanjalo, kubuka lokwesabekako kanjani. Angikaze ngikubone lokunje! Futsi sewungacabanga ngephandle lapho, futsi ume lapho ubuke lowomuntfu, uhlole lowomoya ekhatsi lapho, naletotintfo; futsi mhlawumbe uhlabela ekwayen iebandleni lelitsite. O, lusuku lolunj lesiphila kulo! Akumangalisi kutsi

sikulolosuku! Ngi—ngiyetsema ningakubamba emigceni lelengikucondzile.

¹¹⁴ Caphelani, nako lapho. Sara bekasethendeni, wahlala ekhatsi lapho futsi watihlonipha. Abrahama bekenta kujabulisa letiNgelosi. Manje, futsi Yatsi, “Ngitokuvakashela.”

¹¹⁵ Futsi Sara bekalalele. Futsi wakhunkhutseka, watsi, “Mine, salukati, njengoba sengimdzala kanjena, futsi lapho nenkhosi yami nayo seiyindzala, futsi utsi sitoba nenjabulo futsi njengendvodza nemfati na?” Futsi wahleka.

¹¹⁶ Futsi leNgelosi, nemhlane waYo ufulatsele, yatsi, “Uhlekeleni Sara na?”

¹¹⁷ Khumbulani, leso kwakusibonakaliso sekugcina kutsi iNtalo ya...noma Abrahama cobo lwakhe, longumfanekiso weliBandla, kwakusibonakaliso sekugcina lasemukela. Kuto tonkhe letinye tibonakaliso latemukela, leso kwakusekugcina ngaphambi kwekutsi iSodoma isulwe. Kunjalo na? Sibonakaliso sekugcina!

¹¹⁸ Ngesikhatsi Israyeli, imbewu leyalandzela Abrahama. Futsi emaSamariya, lokwakuyimbewu lelahliwe lebhasteliwe, afuna Yena, noko; batsi, “Babe wetfu—wetfu Jakobe usiniketa lo mtfombo,” lowesifazane washo eSikhari. Niyabona na? “Babe wetfu Jakobe, u—unika Josefa lomtfombo, indvodzana yakhe, futsi—futsi sinatse kuwo, futsi wanatsisa emakamela akhe. Futsi Wena utsi Unemanti, nalokunye nalokunye kanjalo na?” Niyabona na? Futsi sibonakaliso sekugcina kutsi imbewu ya-Israyeli, yemvelo, leyasemukela, kwakuluhlobo lolufanako lwesibonakaliso! Whuu! Anikuboni na? Cabanga umzuzu nje!

¹¹⁹ Sibonakaliso sekugcina leso Abrahama nesivumelwano, sibonakaliso sekugcina ngaphambi kwekulahlwa kwelibandla lelisivuvu, nekubhujiswa kwalo, kwakusibonakaliso sekubona imicabango losetinhlityweni nengcondvo, Nkulunkulu wabonakaliswa enyameni yemuntfu.

¹²⁰ Futsi sibonakaliso sekugcina Israyeli lasibona ngaphambi kwekutsi ancunywe, kwakuyintfo lefanako. Futsi batsi, “NguBhelzebule; umbhuli.”

¹²¹ Manje sekusikhatsi! Nkulunkulu, vumela loku kungene kujule! Manje sekusikhatsi, kutsi, iNtalo yasebukhosini ya-Abrahama! Niyakutfola na? Nkulunkulu abonakaliswe enyameni yemuntfu, abaniketa sibonakaliso sekugcina ngaphambi kwekuluhujiswa kwalesivuvu nekuhamba njengoba kwenteka. Kwekugcina! Buhle bekugcina lobukhulu bekukuhlubuka kwaLoti! Loko akujule umzuzu nje.

¹²² Abrahama, kwekucala; intalo ya-Abrahama yemvelo, kwesibili; iNtalo ya-Abrahama yasebukhosini, kwesitsatfu.

¹²³ Bukisisani, uMlayeto awuhambisani nalesivuvu ngephandle lapho. Waya kanjani ngisho kubo na? Watfunyelwa kumaphentekhostali, labakhetsiwe, lokudvonselwe ngephandle.

¹²⁴ Futsi njengoba Israyeli enta ngalesosikhatsi, emashumi layimfica-...Bukani kutsi bangakhi, bukan kutsi mungakhi Israyeli lowaWemukela. Ngesikhatsi sikhatsi sabo sifika kutsi bakhuphukele lapho, kwakhona likhulu nemashumi lamabili laphuma cishe etigidzini letine.

¹²⁵ Manje bukan iNtalo yasebukhosini. Niyabona, itofanele ifike leto tikhatsi letintsatfu, niyabona, nomaphi lapho utsatsa khona. Hamu, Shemu, nebantfu bakaJafethi. INtalo yasebukhosini ya-Abrahama! Kukhona Abrahama; intalo yemvelo; iNtalo yasebukhosini. Yonkhe intfo! INtalo yasebukhosini ingaKhristu, ngeku...Sita esetsembisweni sa-Abrahama Nkulunkulu lamnika sona ngaKhristu, iNtalo yasebukhosini. Futsi lena yiNtalo yasebukhosini, leliBandla leNkhosi Jesu lelo Lalibuyiselako etinsukwini tekugcina. INtalo yasebukhosini! Caphelani, wemukela leso sibonakaliso! Futsi Yena lucobo iNtalo yasebukhosini washo, ngesikhatsi Alapha, "Njengoba kwakunjalo emihleni yaLoti, kuyobanjalo ekubuyeni kweNdvodzana yemuntfu." INtalo yasebukhosini, iNtalo ya-Abrahama, lebitelwe ngaphandle; Loti naye, wemnakabo, losivuvu, entasi eSodoma; bese kuba ke baseSodoma, live. Namuhla, live; libandla lelive; neNtalo yasebukhosini. Ncamashi, lihleli ngekwendzawo nako konkhe, ncamashi nje ngekweluhlelo. Futsi Nkulunkulu, ngesetsembiso saKhe, wehlela phansi ngco, abonakalisa intfo lefanako. Amen. Uma kungakapheleli, angati kutsi kuphelela kuyini ke. KungumBhalo!

¹²⁶ Ube nekukhuluma getilimi, udansa ngaMoya. Ube nayo yonkhe lemizwa lobenayo, ubone imimangaliso yekuphilisa, ne—netitulo letinemasondvo, nalokunye nalokunye. Sikubonile konkhe kwaloko. Kodvwa lapha, nasi sibonakaliso sekugcina lesentiwe sivela manje. Abrahama ubone tonkhe tinhlobo tetintfo Nkulunkulu lamentele tona endleleni, impela, kodvwa naku kufika sibonakaliso sekugcina, ngaphambi nje kwekutsi indvodzana letsenjisiwe ifike. Futsi manje iNtalo yasebukhosini ibheke iNdvodzana letsenjisiwe. Haleluya! Ngabe tsine, ngabe sifuna iNdvodzana letsenjisiwe na? INdvodzana yaNkulunkulu kutsi ibuye! Haleluya! O, loko kungenta ngitive kutsi angimemete. Bukani! INtalo yasebukhosini ifuna iNdvodzana letsenjisiwe. Njengoba Abrahama enta phansi eminyakeni, abukisise, abambelele kuleloLivi, kanjalo ke neNtalo yasebukhosini. Futsi iNtalo ibheke leNdvodzana letako, kubuya kweNkhosi, ngemlindvo wekucala, umlindvo wesibili, umlindvo wesitsatfu, kute kufike kumlindvo wesikhombissa, futsi lapha sisasolo sibheke iNtalo yasebukhosini. Futsi yini lesiyibonako ngaphambi nje kwekuBuya kweNkhosi

na? Kwentekani na? Nkulunkulu wehlela emkhatsini wetfu, akhombisa iNtalo yasebukhosini njengoba Enta ngentalo ya-Abrahama; na-Abrahama, futsi intalo ya-Abrahama, futsi naYi lapha neNtalo yasebukhosini. Nkulunkulu ahlala emkhatsini wetfu esimeni saMoya loyiNgewe, enta tintfo letifanako Latenta emuva lapho, enta, akhombisa kutsi kuyafana.

Futsi elucwaningweni lwesayensi kulesitfombe, live liyati, live lesayensi liyati kutsi loko liciniso.

Libandla liyati kutsi loko liciniso, umhlaba wonkhe.

¹²⁷ Futsi ngiyakholwa kutsi yonkhe iNtalo lemiselwe ngaphambili seyitsi nje ayingene, umnyango sewutovalwa, futsi kwehlulela kulungiselela kugadla. Kunjalo. Nkulunkulu angeke asatikhandla ngemuntfu. Utokwenta konkhe Langakwenta. Kodvwa li-awa liyasondzela, bangani. Caphelani.

¹²⁸ Ngitoninika lokutsite lokutonisita manje. Khumbulani, kwakuyini intfo lelandzelako leyenteka manje? Ngaphambi kwekutsi bemukele intalo yasebukhosini, kwakufanele kube nemmangaliso lowentekako kubo bobabili Abrahama naSara, ngekwenyama, ngaphambi kwekutsi kube khona intalo yasebukhosini... noma ngaphambi kwekutsi intalo italwe. “Manje, umtimba wa-Abrahama wase ufana nalofile,” liBhayibheli lisho loko. Alikusho yini? “Futsi sibeletfo saSara sasifile,” liBhayibheli lasho njalo. Manje kwakufanele kube nalokutsite kwenyama lokutsite lokwentekako ngaphambi kwekutsi intalo yasebukhosini ibe... intalo ibonakale, indvodzana letsenjisiwe. Ngaphambi kwekutsi leyondvodzana letsenjisiwe ibonakale, kwakufanele kube khona lokutsite kwenyama lokutsite lokwentekako emtimbeni wabo, ngaphambi kwekubonakala kwendvodzana letsenjisiwe. Bukisisani kutsi Wenteni. Ngitokuniketa intfo letsite lencane.

¹²⁹ Manje, kufundza liBhayibheli, Kuyindzaba yeluTsandvo Nkulunkulu layibhalele liBandla laKhe. NguNkulunkulu. Nkulunkulu ulutsandvo. Niyakukholwa loko na? [Libandla litsi, “Amen.”—Umhl.] Futsi liBhayibheli libhalwe ngendlela yekutsi labafundzile nalabahlakaniphile bangeke baze baLicondze. Ufanele utsandzane naNkulunkulu kute uLicondze. Ufanele ube naNkulunkulu kuwe. Uyathihumusha Yena lucobo kuwe.

¹³⁰ Manje, kufana nekutsi nginemfati. O, ngimtsandza kanjani! Ngiyamtsandza ngayoyonkhe inhilityo yami. Futsi ngitoba ngesheya kwetilwandle ndzawanatsite futsi uto...ngemuva kwekuba sekalaile bantfwanyana, utongibhalela incwadzi, futsi atsi, “Billy lotsandzekako, nighleti lapha kusihlwa, ngicabanga ngawe. Ngiyabhala.” Niyabona, ngiyati kutsi yini layibhala ephepheni. Kodvwa ngiyamati futsi ngimtsandza kakhulu ngite ngati nje imvelo yakhe, ngiyati kutsi uchaza kutsini, ngako ngingayifundza ivaliwe. Niyabona na?

¹³¹ Futsi Nkulunkulu ufunu liBandla laKhe kutsi liyifundze ivaliwe. Hhayi kufundza *nomayini* lephuma kuLo manje! Utofanele uyifundze ivaliwe kubona kutsi Lisho kutsini. Manje bukisisani futsi nibone, nitfole uma Lingakwenti.

¹³² Manje, loko Nkulunkulu lakwentile nga-Abrahama naSara, Uyabakhombisa, sibonelo seliBandla laKhe. Wabentela, Wabaphendvulela emuva bobabili ekubeni yinsizwa nentfombi. Impela, Wakwenta, wababuyisela emuva ebusheni futsi, njengoba nje Atokwenta kuyo yonkhe iNtalo ya-Abrahama. Kungakhatsaleki kutsi umdzala futsi wephuke kangakanani, kukhona lusuku lolutako lapho utoba musha futsi ubemuhle futsi, kunjalo, buhle bemphilo.

¹³³ Ngibute dokotela kungesiko kadzeni, “Ngitjele, mnumzane. Uma sonkhe sikhatsi ngidla, ngihlumeleisa imphilo yami.”

Watsi, “Yebo, mnumzane, kunjalo.”

¹³⁴ Ngatsi, “Manje, Nkulunkulu watsi tsine ‘sentiwa ngelutfuli lwemhlabatsi.’”

¹³⁵ Watsi, “Kunjalo. Tibhidvo nenyama netintfo lotidlako lutfuli. Lapho utfola khona iphothashi nekhalsiyamu netintfo kumavithamini akho, ubese-ke ukukhipha ngco emhlabatsini. Futsi wentiwe ngelutfuli lwemhlabatsi.”

Ngatsi, “Hum. Manje, Nkulunkulu wakudala kucala kanjalo.”

¹³⁶ Watsi, “Angati lutfo ngaloko, kodywa” watsi “Ngiyakwati kutsi manje udra kudla futsi kwakha umtimba wakho.”

¹³⁷ Ngatsi, “Ngiyakubuta.” Ngatsi, “Khona-ke ungibuta ngekutala kwentfombi ntfo?”

Watsi, “Yebo, mnumzane, ngiyakubuta.”

¹³⁸ Ngatsi, “Ngitsandza kukubuta lokutsite, dokotela. Ngichazele loku.”

¹³⁹ Watsi, “Yebo-ke, nomayini lengeke yafakazelwa ngekwesayensi iliphutsa.”

¹⁴⁰ Ngatsi, “Ngitotsatsa luhlangotsi loluphikisako, kutsi nomayini inekufakazelwa ngekwesayensi ayinjalo, akukho lutfo kuyo.” Futsi ngatsi, “Tintfo tangempela kuphela letikhona emphilweni tintfo letingeke tafakazelwa ngekwesayensi: lutsandvo, injabulo, kuthula, kukhutsatela, bubele, kubeketela, kukholwa. Kufakazele ngekwesayensi kimi? Kepha kuliciniso! Nkulunkulu, Moya loyiNgewe, tiNgelosi!” Amen! “Kukholwa kuyatenta letotintfo. Yonkhe intfo leniyibonako ivela emhlabatsini, ichamuka kumake-mhlabatsi, kubuyele emuva ngendlela lefanako.” Ngatsi, “Ngifuna kukubuta lokutsite. Ngesikhatsi ngineminyaka lelishumi nesitfupha budzala, ngangidla kudla lokufanako nalelengikudlako khona manje. Ngangidla emabhontjisi, emazambane, nesinkhwa, nenyama.

Futsi sonkhe sikhatsi lapho nangidla, ngangiya ngekubamkhulu futsi ngiye ngekucina.”

Watsi, “Kunjalo, wawuhlumelelisa imphilo yakho.”

¹⁴¹ Ngatsi, “Kungani, emvakwekuba sengendlule cishe eminyakeni lengemashumi lamabili nakubili budzala, noma ngubani lomunye, kungakhatsaleki kutsi udla kangakanani, uya ngekuba butsakatsaka futsi uya ngekuguga na? Cabanga ngako.” Ngatsi, “Nginelijeke lemanti lapha, futsi nginengilazi; futsi ngacala kutsela emanti aphuma kulelijeke lelikhulu lelibanti angena kulengilazi, futsi icala kugcwala ite ifike ekhatsi nendzawo kugcwala; futsi ngaphandle kwanoma yimi phansi nhlobo, lapho ngichubeka ngitsela kakhulu, ayachubeka ayaphansi. Akunandzaba kutsi ngidla kangakanani, kuhle kangakanani; ngidla kancono manje kunaloko ngangivamisile, tikhatsi letilikhulu kancono.”

¹⁴² Ngiyati kutsi sasihlafuna kanjani tikhumba tenyama busuku bonkhe, futsi ngidle sinkhwa semmbila kwesidlo sasekuseni natiliga wemabele, futsi intfo lefanako ngelidina nasekudleni kwakusihlwa, futsi. Ngiyati kutsi kwakunjani kuphila kamatima, futsi manje sengingadla kancono. Ngiyabonga Nkhosi. Kepha noma ngabe ngidla kangakanani, namanje ngiya ngekuba butsakatsaka futsi ngiya ngekuguga. Futsi ekugcineni ngitokoma futsi ngife. Leni? Leni? Sikhatsi lesincunyelwe Nkulunkulu lasentile. Kunjalo. Yebo, mnumzane.

¹⁴³ Futsi caphelani Abrahama naSara, babuyela emuva cishe emashumi lamabili nakubili noma iminyaka lengemashumi lamabili nesihlanu budzala.

¹⁴⁴ O, utsi, “Ngumbhedvo, Mnaketfu Branham!” Kulungile, manje hlala unganyakati umzuzu nje, ake siyifundze ivaliwe nje kanye.

¹⁴⁵ Masinyane emvakwekuba letotiNgelosi setihambile, neSodoma yashiswa, Abrahama naSara batsatsa luhambo loludze baze bayotsi ngcu entasi eGerari. Lolo luhambo impela lwetitsandzani letindzala. Lukale emephini yakho. Bahamba baya entasi eGerari. Futsi nangu Sara manje, gogo, loneminyaka lengemashumi layimfica budzala, afake sigcoko selilanga, achachatela. Futsi Abrahama nesilevu sakhe lesidze silengela phansi. LiBhayibheli latsi, “Bobabili bese bagugile.” Ungatami kutsi baphila sikhatsi lesidze. Futsi liBhayibheli latsi, “Imitimba yabo yomibili yase ifile, sebagugile.” Futsi lapha bahamba behlela eGerari. Futsi kunenkhosi leseyincane entasis lapho ligama layo ngu-Abimeleki, futsi yayifuna s'thandwa, futsi ngesikhatsi ibona Sara yamtsandza. Ngabe kunjalo na? Gogo na?

¹⁴⁶ “Ngani, unglowendlula bonkhe!” Abrahama watsi, “Uyabukeka.” Amen. “Ngiyakucela, mtjele kutsi ungudzadzewetfu—wetfu.” Haleluya! Bekakhombisa lapho

loko Lebekatokwentela yonkhe iNtalo ya-Abrahama. Sara bekamuhle. Abrahama bekasemusha. Sengiyamuva Abrahama atsi, "Sara, s'thandwa, ukiye kutsini, bumphunga buyaphuma etinweleni takho."

¹⁴⁷ "Abrahama, sifumbu siyaphuma emhlane wakho. Uyacondza tfwi." Babuyela emuva ebunsizweni nasebuntfombini. Nkulunkulu, akhombisa! O, hhe!

¹⁴⁸ Futsi Abimeleki wamtsandza, futsi wahamba wamtsatsa, bekatomshada. Sengiyambona ageza, futsi ulala phansi agcoke emaphijama akhe, futsi aphakamisa tintwane takhe, emvakwekusho imikhuleko yakhe, watsi, "Kusasa ngitoshada lowo lomuhle loneminyaka lelikhulu budzala"? Lokuhlekisako! "Leyo ntfombatane lenhle lengumHebheru! O, umnakabo, lowomfo losemncane! Futsi muhle kanjani!"

¹⁴⁹ Futsi Nkulunkulu wabonakala kuye ephusheni, wase utsi, "Ufana nje nendvodza lefile."

Watsi, "Nkhosi, kungani loko na?"

Watsi, "Lowo ngumfati wemuntfu."

¹⁵⁰ Watsi, "Uyabati bucotfo benhlitiyo yami, Nkhosi. Lowesifazane utsite, 'Loyo ngumnaketfu.' Futsi lowesilisa yena watsi, 'Ngudzadzewetfu.'"

¹⁵¹ Watsi, "Yebo, Ngiyabati bucotfo benhlitiyo yakho, kungalesosizatfu Ngingakuvumeli kutsi wone kiMi." Kodvwa lalela! "Kodvwa sewufana nalofile, nesive sakho sonkhe asisekho. Umyeni wakhe ungumprofethi waMi. Anginandzaba kutsi ungcwele kangakanani, kutsi ukhuleka kangakanani, Angeke ngiyive imikhuleko yakho. Kodvwa umyeni wakhe ungumprofethi! Hamba, futsi ubuyisele umkakhe futsi umvumele akukhulekele. Uma ungakwenti, utokufa." Haleluya!

¹⁵² Kwakuyini na? Nkulunkulu alungiselela Sara na-Abrahama kutsi bemukele indvodzana letsenjisiwe. Kukhombisa kutsi intfo lelandzelako emuva kwekubonakaliswa kwaleNgelosi yaNkulunkulu, Moya loyiNgcwele ukhombisa sibonakaliso saKhe sekugcina, intfo lelandzelako, loku lokufako kutsatsa lokungafi futsi siyahlwitwa emoyeni kuhlangabeta iNdvodzana letsenjisiwe, iNtalo ya-Abrahama yasebukhosini. Ludvumo kuNkulunkulu! Haleluya! "Ngoba siyoguculwa ngesikhashana, ngekucwabita kweliso, futsi siyohlwitwa ndzawonye kuhlangabeta Yona emoyeni. Ngako-ke siyoba naYo njalo, iNdvodzana letsenjisiwe." Haleluya!

¹⁵³ O, angeke ngikutfole... Ngito... Mhlawumbe kusasa ebusuku ngitotfola sahluko sema 22, niyabona.

¹⁵⁴ O, ngiyakutsandza, anikutsandzi na? Ngijabule kakhulu, tonkhe letintfo leti! LiBhayibheli ligcwele nje letotigadla letinhle temusa. Vele ugobe nje futsi utitsatse, susa lutfuli kuto futsi utibuke. Tonkhe timelele Jesu Khristu, wonkhe

umuntfu, ngoba kuYe kwakuhlala kugcwala kwaNkulunkulu. KuYe, yonkhe intfo ikhomba khona. Yonkhe intfo levela eThestamentini leLidzala yakhomba esiphambanweni; futsi iseThestamentini leLisha, ikhomba emuva esiphambanweni. Kunjalo. Konkhe kulapho. O!

Libusisiwe lifindvo lelibophako
Tinhlitiyo tetfu elutsandvweni lwebuKhristu;
Inhlanganyelo yemcondvo lofanako
Injengaloko lokungeTulu.

¹⁵⁵ Ngimtsandza kanjani! Ngifuna kanjani kuMbona! Kutsi ngilangatelela kanjani futsi ngilindzele loku kushaywa lokudzala, kulinyatwa, kwephulwa inhlitiyo, umtimba lodzilitelwe phansi kutsi uguculwe ngalokunye kwalokusa! Licilongo liyokhala nalabafile kuKhristu bayovuka. Siyohlwitfwa kanye nabo, kuhlangabeta iNkhosi emoyeni.

¹⁵⁶ Kutsi Rebheka walinatsisa kanjani lelokamela ekupholeni kwakusihlwa. Eliyeza akazange amtfole ekuseni. Akazange amtfole ngesikhatsi santsambama; wamtfola ngekukhanya kwakusihlwa. “Kuyoba kuKhanya ngesikhatsi sakusihlwa!” Kunjalo! Ngulapho la amtfola khona. Wambonya ngeveyili buso bakhe. Bekangenayo inhloko; bekaya enhlokwemi yakhe. Amen. Wesifazane, kuyimvelo yakhe, yewesifazane, kutinikela kuwesilisa. Futsi kuyimvelo yelibandla kutinikela kuKhristu, kutinikela entsandvweni yaKhe. Utinikele nje! Akanako kucabanga lokungekwakhe; utsatsa Livi laKhe, hhayi lalomunye umuntfu. Kube Eva bekente loko, sasingeke sidzingeke kutsi sife; kepha walalela kuzindla. Kodvwa uMlobokati sibili waKhristu utsatsa buNhloko baKhristu, Livi, futsi ukholwa Livi laNkulunkulu kuphela. Lowo weliciniso, uMlobokati lobuyiselwe. Haleluya! Sikhatsi sesisondzele, bangani, sekwendlulelw sikhatsi kunaloko lenikucabangako. Sisesikhatsini sakusihlwa. UMoya loyiNgewe ulapha kusihlwa. Ngiyati ngulelincane, licembu lelincanyanya.

¹⁵⁷ Bewungacabanga, “O, uma intfo lefana naleyo beyingenteka, Nkulunkulu bekangayibonakalisa eRoma, kubobhishobhi nakubopapa. Bekayokuta kumbhishobhi weMethodisti. Bekayokuta kusemina yeBaptisti. Bekato...” Ya, nguloko lokucabangako. Kodvwa Akazange akwente ngaleyondlela.

¹⁵⁸ Uta kulabanenhlitiyo letfobekile, labo labaMfunako. Futsi Ulapha kusihlwa, Moya loyiNgewe, Nkulunkulu, iNgelosi lefanako; lapha ngaphambi kwabososayensi, afakazela, naNguya nesitfombe saKhe lesitsetfwe. George J. Lacy, inhloko ye-FBI yemibhalo yeminyatseliso yemino, watsi, “KuKhanya kushaye i-lensi.” Watsi, “Mnumz. Branham, ngishito sikhatsi lesinengi kutsi kwakuyisayensi yengcondvo, kutsi wawufundza imicondvo yalabobantfu. Kodvwa” watsi “liso lemshini wekhamera ngeke litsatse isayensi yengcondvo. LokuKhanya

kwashaya i-lensi. Kwakulapho!” NaYo ke. Lesinye sato silenga eWashington, DC, kunelilungelo lemtsetfo, “Lokungusona kuphela siDalwa lesingetulu kwemvelo lesake satfwetjulwa ngekwesayensi futsi safakazelwa.”

¹⁵⁹ Ngani na? Uma ngifa kusihlwa, uma ngingalokotsi ngingene kulepulpiti kusasa ebusuku, emavi ami aliCiniso. Ngoba, akusilo emavi ami, ngewaKhe. Angikaze ngisho “cobo lwami.” Akusimi. Beningeke ngente lutfo. Ngingumuntfu njengani, soni lesisindziswe ngemusa. Kodvwa Nkulunkulu, ngalolu tinsuku tekugcina, wetsembisa letintfo leti, futsi nati lapha! Livi. Kube bekuyindzaba lecanjiwe, bekungehluka. Kodvwa Livi lifakazela Livi ngeLivi, lelicinikiye, liBhayibheli lonkhe. Lacinisekiswa bososayensi! Lacinisekiswa nguMoya! Lacinisekiswa libandla! Nkulunkulu emkhatsini wetfu! Haleluya. Ngijabule kakhulu ngaloko. Anijabuli yini, itolo ebusuku, nimile nenta loko kuma na? Ngabe kunente nativela nehlukile na? Kuyokwenta njalo, uma umela Livi laNkulunkulu. Mela Khristu! Ungabi nemahloni ngako.

Asikhuleke.

¹⁶⁰ Ngabe ukhona lapha kusihlwa labangatsanza kuphakamisa sandla sakho nje umzuzwana manje, bese utsi, “Mnaketfu Branham, ungikhumbule emkhulekweni wakho. Ngito, ngiyalangatelela kakhulu kuba ngulomunye waletu tiNtalo ta-Abrahama. A—angifuni kugejwa liZulu. Khuleka, Mnaketfu Branham. Njalo phansi enhlitiyweni yami ngeva kwangatsi kunalokutsite lengafinyelela kuko. Angikaze ngikhone kukutfola. Ngikhulekele, Mnaketfu Branham, kutsi Nkulunkulu utongiphaka kona”? Nkulunkulu akubusise wena. Buka tandla nje, yonkhe indzawo, letiphakamako.

¹⁶¹ Kunjani kuvulandi losesitezi? Manje, khumbulani, Nkulunkulu mkhulu kuvulandi losesitezi njengoba Anjalo phansi lapha.

¹⁶² Ngabe ucotfo impela, ukucondzile loko na? Phakamisa sandla sakho. Nkulunkulu akubusise. Ngiyabuka umzuzwana nje. Banini nisolo nikhuleka, gcinani tinhloko tenu tikhotseme.

¹⁶³ Soni ekhatsi lapha kusihlwa sitofuna kuphakamisa tandla tabo, batsi, “Ngikhumbule, Nkhosi. Angisiphakamiseli lowo sandla sami lowomshumayeli; Ngiphakamisela sandla sami kuWe. Ngiyakholwa ngekweliciniso kutsi Uyaphila namuhla, kutsi Awuzange ufe; kutsi ngesikhatsi Ufa, Wavuka futsi, njalo. Futsi Uyaphila kute kubo phakadze naphakadze, longuye itolo, namuhla, naphakadze. Ngiphakamisela sandla sami kuWe, ngoba ngiyakholwa kutsi Ulapha”? Phakamisa sandla sakho, utsi, “Ngikhumbule, Nkhosi.” Banini nisolo nikhuleka. Banini nekukholwa kuNkulunkulu.

Umhlubuki, ke? Nkulunkulu akubusise. Uyatibona tandla tenu.

¹⁶⁴ Babe wetfu loseZulwini, Uyatibona letotandla. Uyati kutsi yini lengemuva kwato. Wena watsi, "Umhlanyeli waphuma wahlanyela iMbewu. Lenye yawela eceleni kwendlela, ayentanga lutfo loluhle; lenye yawela emhlabatsini lonematje; lenye emanyeveni; lenye yaba ngalokuphindvwe ngelikhulu." Umhlanyeli bekabopheleleke kuphela ekuhlanyeleni iMbewu. Akutsi Moya loyiNgewe abambe leyoMbewu khona manje nje. Nkhosi, si... Ngi—ngiyakhola, Nkhosi, si...

¹⁶⁵ Akekho umuntfu lowatiko kutsi Wena utobuya nini. Asikwati loko. Wena watsi, "Angeke kwati ngisho tiNgelosi; nguBabe kuphela nje." Jesu washo kutsi Bekangati. "NguBabe kuphela nje."

¹⁶⁶ Manje, Babe, ngiyakhuleka kutsi uma kukhona labo ekhatsi lapha labaphakamise tandla tabo, ngiyakhola kutsi bakucondzile loko. Kukhona Lokutsite emuva kwabo, kutsi, uMoya, lobatjele kutsi baphakamise tandla tabo, futsi bakwentile. Bacotfo. Mhlawumbe loku kukwekucala kutsi Uke ukhulume nabo, futsi kungenteka kube sikhatsi sekugcina. Mhlawumbe Wakhuluma ngaletinye tikhatsi, futsi awuzange usakhuluma futsi. Angati. Kodvwa, Babe loseZulwini, ngiyakhuleka kutsi Utøpha insindziso kuwo wonkhe umuntfu lokholwako.

¹⁶⁷ LiGama laKho leliNgewe alentiwe lihlonishwe embikwebantfu. Kwangatsi lutsandvo lwaKho lungatfululelwu kuto tonkhe tinhlitiyo ngaMoya loNgewe. Busisa labanaketfu laba lababafundisi, Nkhosi. Lawa indvodza laligugu lapha letsite, emkhatsini wekungaboni ngasolinye, bangimemile, nomakanjani. Busisa labantfu labetsamele.

¹⁶⁸ Angikacondzi kuba ngulochoshako, angikacondzi kwehluka, Nkhosi; kubaneliciniso nje. Futsi nguloko kuphela Lotokubona, liciniso lelikumunfu, ngoba Wena uliCiniso. Vani manje, Babe, ngiyakhuleka. Baphe kusihlwa kutsi labanengi babo lapha, kutsi mhlawumbe labangakatiphakamisi tandla tabo, batosindziswa, noma kanjani. Siphe kona, eGameni laJesu. Amen.

¹⁶⁹ Manje njengoba sihleti ngenhlonipho yekutifoba umzuzwana nje. Ngikholwa kutsi sephute kancane kutsi singaba nelilayini lalabakhulekelwako, kodvwa sitoba nalo. Wonkhe umuntfu, uma ni... wena, uma unelikhadi, bamba likhadi lakho. Uma ungenalo likhadi, tfola linye. Si... Uma sitodzingeka sihlale lapha tinsuku letisihlanu letengetiwe, sitokhulekela ngamunye wabo. Kunjalo.

¹⁷⁰ Ngitama nje kufinyelelisa uMlayeto kubantfu. Ngitama kunitfola kutsi nibone lemcoka... Uma uphiliswa; encenye, uma uphila kadze ngalokwenele, utophindze ugule futsi ngalesinye sikhatsi. Kodvwa uma uke wasindziswa, unekuPhila lokuPhakadze. Niyabona na? Ungaphiliswa, futsi uchubeke

nendlela yakho futsi ulahlekelwe yinsindziso yakho... ungalahlekelwa kuphila kwakho, njalo; kodvwa uma usindzisiwe, unekuPhila lokuPhakadze ngalesosikhatsi, awusayophindze ugule.

¹⁷¹ Angati noma nikucondzile kusihlwa loko lebengikhuluma ngako, kutsi Nkulunkulu wabonakala ku-Abrahama naSara lapho, futsi wabanika sibonakaliso sekugcina, leyoNgelosi, kutsi ngaphambi kwekutsi kubhubha kufike futsi indvodzana letsenjisiwe yaniketwa. EBandleni, sona, leso sibonakaliso, kwakuyiNdvodzana letako. Eveni, kwakukubhubha. Manje, loko Lakwentela Abrahama nabo kwakutibonelo.

¹⁷² Jesu uta emhlabeni, iNtalo ya-Abrahama yasebukhosini, futsi wenta lesosibonakaliso lesifanako. Bangakhi lowatiko kutsi loko kunjalo, tsanini “Amen.” [Libandla litsi, “Amen!”—Umhl.] Impela. Futsi bakwala. Ngabe kunjalo na?

¹⁷³ Manje, Akatange akwente loko kubeTive, ngoba iNtalo yasebukhosini yayiphumile, liBandla lalingakatalwa kwamanje. Kodvwa lapho liBandla selitelwe, futsi manje selibe neminyaka letinkhulungwane letimbili, nje e... Khumbulani, loko kwakuvala ekulindzeleni kwa-Abrahama. Loko kwakuvala entalweni yemvelo lelindzele Mesiya, ngoba Mesiya bekalapho.

¹⁷⁴ Loku kukuvala kwekulindzela kweNtalo yasebukhosini. Ulapha, kubonakala kwaKhristu. Uke wetama yini kwehlukanisa... Kunendzawo eBhayibhelini, niyati, anginaso sikhatsi sekungena kuko, itsi “kubonakala kwaKhristu,” bese kuba-ke “kuFika kwaKhristu.” Loko tintfo letimbili letehlukene, ngako konkhe, ku “bonakala” neku “Fika.” Uyabonakala manje, asebenta natsi ngesimo saMoya loyiNgcwele, akwenta kuphelele nje, liBandla. Kufanele.

¹⁷⁵ Njengekutsi uma unelidola ekhukhwini lakho, likhiphe futsi ulibuke. Eluhlangotsini lunye luphawu lwaseMerica; ngakulolunye luhlangotsi luphawu lwaseGibhithe, sivivane nelitje leliyinhloko ngetulu le ngenhla kwalo, njengeliso libuka. Futsi kungani lidola laseMerica libeke ngaphansi kwalapho, “Luphawu lolukhulu”? Kubukeka kungatsi luphawu lwaseMerica beluyoba luphawu lolukhulu lapha. Kodvwa Hulumende wase-United States uyacondza kutsi bayakufuna yini noma cha, luphawu lolukhulu.

¹⁷⁶ Bukani lesosivivane njengoba sibunjwa, liBandla. Kulungisiswa, kungeweliswa, umbhabhatiso waMoya loyiNgcwele, futsi-ke loko kufanele kucijiswe kuze uma... Litje leliyiNhloko alikaze lifike esivivaneni, Laliwa, njengelitje lekusekela liKona. Manje, kodvwa lapho lelolitje leliyiNhloko lita... Ngiyile esivivaneni; kulingana ncamashi, kangangoba bewungeke ufake ilezana emkhatsini waso, lapho semende akhona. Futsi lapho liBandla lifika, loko u... Lapho Khristu efika kwemukela liBandla laKhe, liBandla litoba nenkonzo

lefana ncamashi naloko, futsi ngalowomusa kutophakama yonkhe intfo, bese liyahamba. Kufika kwelitje leliyiNhloko; limemeta, "Umusa, eNkhosini!"

¹⁷⁷ Nginalokutsite engcondvweni yami. Haleluya! Nkulunkulu wetfu usenguNkulunkulu. Wembula timfihlo taKhe etincekwini taKhe. Ngikhulume ngeNgelosi leYafulatsela lithende, futsi Yafulatsela lithende, yase iyasho loko Sara lebekakucabanga ngekhatsi. Ngiyabiketela kutsi leyoNgelosi ilapha manje, Moya loNgcwele, iNsika yeMlilo lefanako, lefanako leYayikuKhristu. INsika yeMlilo yahola bantfwana baka-Israyeli. INsika yeMlilo yentiwa inyama yakha emkhatsini wetfu. Watsi, "Ngivela kuNkulunkulu, ngiya kuNkulunkulu."

¹⁷⁸ Emvakwekuwa kwaKhe, kungcwatjwa, kuvuka, nekwenyuka, Wahlangana naSawula endleleni leya eDamaseku. Futsi kuKhanya kwamshaya kwamlahla phansi. Futsi watsi, "Nkhosi, Nkhosi!"

¹⁷⁹ Watsi, "Sawula, Sawula," kucala. "Ungubani... UNgihluphelani na?"

Watsi, "Ungubani Wena, Nkhosi?"

Watsi, "NginguJesu." Abuyele emuva!

¹⁸⁰ Nangu Ulapha kusihlwa, afakazelwe liBandla laKhe, ngekwesayensi nako konkhe! O, bangani, kungani sitidvomu kangaka? Kungani sihleti sibunile kangaka na? Akutsi lo-akutsi loNkulunkulu lokhulume Livi, akutsi Nkulunkulu lo... Njengoba Elisha asho, lobuya nalokuphindvwe kibili kwa-Eliya, wagoca ingubo, futsi watsi, "Uphi Nkulunkulu wa-Eliya na?" Akutsi Nkulunkulu lowabhala Livi, acinisekise leLivi! Uma Leli kuLivi laKhe, Akeme ngakuLo! Wetsembisa kukwenta. Utokwenta uma sitokukholwa.

¹⁸¹ Manje ngalokucacile angente loku kwatiwe. Angisuye lowoMuntfu. Ngiyinceku yallowoMuntfu. Nawe ungiyo, futsi, uma uyiNtalo ya-Abrahama.

¹⁸² Kodvwa, mine ngishumayela Livi laKhe, futsi ngime elusukwini lapho onkhe emahlelo angale khona, tinhlangano tiyangikhahlela tingikhipe kusuka endzaweni kuya endzaweni. Futsi nje banaketfu labaligugu lokuleyo nhlangano, lobona kuKhanya, utobambelela kuKo kungakhatsalekile kutsi inhlokohhovisi itsini. Nkulunkulu busisa emadvodza lanjalo. Nkulunkulu busisa besifazane nebesilisa labamile itolo ebusuku. Yini lenginganentela yona na? Ngiceleni lokutsite. Ngiceleni kutsi ngenteni, ngitokwenta noma yini lenginganentela yona. Nibantfu baNkulunkulu. Noma ngumuphi wesilisa noma wesifazane utokwenta sincumo kanjalo, ekhatsi nencabano, ngiyanihlonipha.

¹⁸³ Manje uma leyoNgelosi... EVini laJesu Khristu yabiketela, kutsi ngaphambi nje kwekfika kweNdvodzana yemuntfu, kutsi

intfo lefanako leyenteka eSodoma yayiyokwenteka eBandleni, a Yite enkhundleni.

¹⁸⁴ Ngitofulatsela. Khotsamisani tinhloko tenu futsi nikhuleke. Beningeke nhlobo ngisho loku uma bengingevanga ngiholeleka kutsi ngikwente. Ngingaba siwula ngekuenta sitatimende lesinjalo. Kodvwa, ngekukholelwa kuKhristu iNdvodzana yaNkulunkulu, ngikholwa kutsi ULivi! Futsi Livi lentiwe labanguleliphatskako enyameni yetfu, uma sitsatsa Livi, ngoba lisetsembiso saKhe, “Ngitoba kini kute kube sekupheleni kwelive, nalemisebenti leNgiyentako nani nitoyenta.”

¹⁸⁵ Ngifulatsele tetsameli, Babe loseZulwini, kutsi ngishumayelile kuto, kuloMlaletu. Ngiyakhuleka kuWe, Nkulunkulu, akwatiwe kusihlwa kutsi Usenguye Jesu Khristu iNdvodzana yaNkulunkulu, futsi Usenguye Jehova Nkulunkulu. Unguye itolo, namuhla, naphakadze. Futsi kwakuNguwe lapho ukhuluma ku-Abrahama ngalolosuku ethendeni. KwakuNguwe lowawungahlola loko lowo wesifazane lebekakucabanga ethendeni, futsi wamtjela. Futsi khona ngalesosikhatsi, yena akuphika loko, Bewuyotsatsa kuphila kwakhe, kodvwa bekayinceny ya-Abrahama, umlobokati wakhe. Nkhosi, Bewuyotsatsa kuphila kwetfu, ngekungakholwa kwetfu, kodvwa siyinceny yaKhristu. Bewungeke utfole, utsatse Sara ngaphandle kwekulimata Abrahama. Futsi Angeke utsatse liBandla nga—ngaphandle kwekulimata Khristu. Ngisite, Nkhosi. Anginamfundvo. Nje ngi...Nkhosi, anginalutfo, kodvwa ngiyaKukholwa nje. Futsi ngiyakholwa. Sisite kuko, Nkhosi.

¹⁸⁶ [Lomunye dzadze ukhuluma ngalolunye lulwimi. Lomunye dzadze uniketa inchazel—Umhl.] Amen. Akabongwe Nkulunkulu lophilako. Manje, Ukhona lapha. Hloniphani ngekutifoba, inhhloniph.

¹⁸⁷ Ungayivusa inhloko yakho uma ufisa. Manje hhayi kuphela...Niyabona, liBhayibheli litsi kukhuluma ngetilimi kutakha wena, ngaphandle uma kuneKuhumusha. Futsi uma kuhumusha, leso siprofetho eBandleni. Futsi indlela lengicondza ngayo loko kuhumusha khona-ke, bekuku “Kholwa yiNkhosi, kutsi nguYe lotfumele leLivi.” Futsi khona-ke angiti ngeligama lami, ngita ngeliGama laKhe. Futsi imisebenti yaKhe Bekatoyenta ngami-ke, ngekushumayela Livi laKhe nekuwinisa Livi laKhe. Impela. Ngiyakholwa loko. Nikholwa ngalokufanako na? [Libandla litsi, “Amen!”—Umhl.] Bangakhi lokukholwako manje, ngaphambi kwekutsi A...? Nkulunkulu akubusise. Manje, leyo yindlela yeku, leyo yindlela. Geinani leyoleveli ilinganisene futsi nitobona lokutsite kwenteka.

¹⁸⁸ Ngitofulatsela tetsameli, ngoba lowo bekunguMoya loyiNgcwele afakaza nje kuloko. Niyabona na? Cinani futsi nenteni. Manje kholwani ngephandle lapho etetsamelini,

lomunye. Akekho umuntfu lengimbonako... Bangakhi ngephandle lapho logulako nalohlaselekile, noma lonalomunye lohlaselekile, noma lokutsite lokunye lokukhulekelako, futsi uyati kutsi angati lutfo ngako, vele nje uphakamise sandla sakho. Yebo-ke, ngiyacabanga ngalokubonakalako nje kusetindzaweni tonkhe. Yebo-ke, asikholve nje manje. Akunga, akungaphumi muntfu, ngeniken i nje... Yi—yimizuzu lelishumi nakubili kushaye insimbi yelishumi. Nginiken i imizuzu lelishumi nakubili, nitonginika? Akunganyakati muntfu. Akungaphumi muntfu, nhlobo. Hlalani impela nthule manje. Kanye nje, vulani inhlitiyo yenu.

¹⁸⁹ [Umnaketfu ukhuluma ngalolunye lulwimi. Lomunye umnaketfu uniketa inchazelo—Umhl.] Amen. NgiyaKubonga, Nkhosi, ngiyaKubonga. Ngenhloniph yekeitifoba siyakuholonipa loko ngayo yonkhe inhlitiyo yetfu. Leso siphwi eBandleni. Banini semkhulekweni nje, ngenhloniph yekeitifoba.

¹⁹⁰ Khumbulani, bebaya emphini ngalesinye sikhatsi, bebangati kutsi bangahlangabetana kanjani nalemphi lenkhulu. Davide bekeme lapho, futsi wehlukanisa emkhatsini wabo licatza lenyama kanye neligabha lelikhulu leliwayini. Kodvwa uMoya wehlela etikwendvodza yinye, futsi yaprefetha futsi yabatjela kutsi bahlangane kuphi nesitsa, futsi kwabanjalo.

¹⁹¹ Sihlangana nemphi lenkhulu, mnaketfu. Futsi sime emphini lenkhulu njengamanje. UMoya sewhlile futsi, usetikwalotsite, futsi ukutjelile nje kutsi wenteni, ku “kholwa.” Utama kususa umcondvo wakho ekubeni ngimi. Niyabona na? Labanye benu bangahle bacabange kutsi uMnaketfu Branham utama kwenta intfo letsite. Akusimi; nguYe. Mine nje... Siphwi sikutinikela nje cobo lwakho, njengekutidvonsela egiyeni. Njengalombhobho, wuvule, lokutsite kutofanele kukhulume ngawo. Ligya lelincane nje lengilivulako, intfo lencane. UMoya loyiNgewe! Angiwuvuli; Uyawuvula. Bese-ke Uyakhulum; akusimi. Manje hloniphani futsi nikholwe, ngamunye wenu, futsi nikhuleke nje.

¹⁹² Manje, wonkhe umuntfu uyati kutsi liBhayibheli lasho kutsi “Jesu Khristu khona manje ungumPhristi loMkhulu lonekuvelana nebutaksaka betfu.” Uma loko kunjalo, libandla alitsi, “Amen.” [Libandla litsi “Amen!”—Umhl.] Ngabe UngulomPhristi loMkhulu lofanako na? Tsanini, “Amen.” “[Amen!]” Uma AngumPhristi loMkhulu lofanako, Bekatokwenta ngendlela lefanako. Ngabe kunjalo na? “[Amen!]” Amen. Manje bewungentani ke?

¹⁹³ Manje, kungitsintsa, bekungeke kwente mehluko; ngingumuntfu. Kodvwa kutsintsa Yena, khona-ke UnguMoya loyiNgewe losekhatsi *lapha*, khona-ke Ubuyisela emuva

futsi usebentisa tindzebe temuntfu. Ngoba, UNGUMVINI, tsine singemagala; Akatseli sitselo, Ufaka emandla kuperhela ligala.

¹⁹⁴ Loko kutsi, ngivele ngifulatsele nje, kute nitobona kutsi tintfo lengitishito.

¹⁹⁵ Manje, labafundisi laba lapha ngembili, bayakhuleka. Ningangibuka uma nifisa. Kulungile. Kubona nje, ungahle wati kutsi nje ba... Ngoba, ungumelusi wetimvu, nguwe lowelusa letimvu leti. Ngako-ke, kute nje utokwati. Futsi ngifuna ningikhulekele, bazalwane. Ngoba, niyabona kutsi ngicondze kutsini na? Ngimelele yena kanye nje loKhristu lenimkhontako. Futsi ngingumnakenu, sakhamuti lesikanye nani seMbuso, nani bazalwane. Futsi ngilapha nje...

¹⁹⁶ Niyabona, manje, njengamanje Livi lengilishumayelile, niyabona, Lisengcupheni. Njengamanje, kwehluleka, nguloko Sathane lebekangafuna kukubona. Nguloko kuphela lakufunako. Kodvwa Nkulunkulu akasiso sehluleki. Hloniphani ngekutifoba nje.

¹⁹⁷ Manje ngifulatsele, ngifuna lomunye umuntfu... Angikugucule, konkhe kutungeletile. Asengigucukele kuloluhlangotsi, kucala, futsi khona-ke ngitokuta ngalapha kulololunye luhlangotsi. Manje lomunye emuva ngalendlela; kunalabanengi kakhulu, kungatsi, labakhulekako. Emuva ngalendlela, lomunye uyakhuleka emuva lapha manje, lowo lofunu kukholwa Nkulunkulu. Kholwa nje ngayo yonkhe inhlitiyo yakho, emuva ekhatsi lapha ndzawanatsite.

¹⁹⁸ Manje, Babe loseZulwini, ngi—ngiyaKubonga kuyo yonkhe lemiliayeto yaKho, yonkhe intfo Loyentile. Manje ngisite, Nkhosi. Ngi—ngi... ngekukholwa, ngiyaKukholwa, Livi laKho. Ngiyakholwa kutsi BekunguMoya waKho longibitile kwenta loku. Manje akwateke kutsi ngikhulume liCiniso. Ngifakazile ngaWe, manje fakaza, Nkhosi, kutsi ngikhulume liCiniso. Ngikucela eGameni laJesu. Amen.

[Lomunye dzadze ukhuluma ngalolunye lulimi—Umhl.]

¹⁹⁹ Babe Nkulunkulu, silindzele kuhunyushwa kwaloko. Wena washo, eBhayibhelini, kutoba nge “kudedelana kwalabatsatfu,” futsi lona wesitsatfu. Manje si—sikhulekela kutsi—kutsi Utokwatisa kulotsite lonaleto tiphiwo tekuhumusha. Ngikushiyela kuWe, eGameni laKhristu.

[Umnaketfu uniketa siprofetho—Umhl.] NgiyaKubonga, Nkhosi.

²⁰⁰ Manje, leso bekusiprofetho, hhayi kuhumusha. Niyabona, usho lokunengi kinaloko lokwentiwe ngulowesifazane. Kukhona kuhumusha lokutako. Niyabona, leyondvodza beyingumprofethi.

²⁰¹ [Lomunye umnaketfu uniketa inchazelo—Umhl.] Amen. NgiyaKubonga, Nkhosi.

Ngalokucondzene ngco emvakwami . . .

²⁰² [Lomunye dzadze ebandleni ucala kukhuleka—Umhl.] Nkulunkulu, phani sibusiso kulowesifazane, lasikhalelako. Vele ube . . .

²⁰³ Manje hloniphani ngekutitfoba sibili manje, futsi nikukholwe ngayo yonkhe inhlitiyo yenu. Manje, ngaMoya loyiNgewe, ngitama kuveta Livi lengilishumayelile, lapho Afakazele kutsi litofezeka. Manje kholwa ngayo yonkhe inhlitiyo yakho.

²⁰⁴ Kunalotsite lome embikwami, lohleti emuva kwami. Futsi nguvesifazane. Futsi uhlushwa yinkhatsato yenhlitiyo. Futsi unema-aleji lamkhatsatako. Usemuva kwami nje. Uma lowesifazane asengakasukumi namanje . . . Tetsameli tiyabuka; ngivale emehlo ami. Ukhatsatekile futsi mayelana nalotsandzekako wakhe, lokukutsi, umyeni wakhe lohleti nje kusuka kuye; ukhubatekile, unendvuku yekudvondvolotela. Ligama lalowesifazane nguNkkt. Brumley. Kholwa ngayo yonkhe inhlitiyo yakho. Sukuma futsi wemukele loko lokukhulekele, futsi utokutfolo loko lokucelile. Mani ngetinyawo takho. Ngabe sewusukumile na? [Libandla litsi, “Yebo.”—Umhl.]

²⁰⁵ Nkulunkulu akubusise. Angimati lowesifazane, angikaze ngimbone emphilweni yami. Sitihambi lomunye kulomunye na? Kukhona . . . [Lowesifazane utsi, “Yebo.”—Umhl.] Manje babute, hamba ubabute uma kunjalo. Manje uma lowo kungesiye Nkulunkulu lofanako lobekasentasi lapho ngaphambi nje kweSodoma, angati kutsi kuyini.

²⁰⁶ Lomunye kuloluhlangotsi kholwa manje ngayo yonkhe inhlitiyo yakho. Nkhosi Jesu. Kunewesifazane lohleti ngemuva kwami. Unesifiso lesijulile. Ukhulekela intfo letsite kutsi Nkulunkulu amnike yona. Ngumntfwana, lalamkhulekelako. Ukhona lapha emvakwami. Nkkt. Holm, sukuma futsi ukholwe yiNkhosi Nkulunkulu. Futsi uma utokukholwa ngayo yonkhe inhlitiyo yakho, ungaba naye lomntfwana lomkhulekelako.

²⁰⁷ Wesifazane uyangena, futsi ukhubatekile. Uhleli esitulwemi semasondvo. Usemuva kwami. Akaveli kulencenyen lena yelive. Uvela—uvela eSacramento, enyakatfo yeSacramento. Bekagula kakhulu. Bodokotela abakhoni kumsita. Bekasesibhedlela. Ube nekuhlindvwa lokunengana. Unenkhatsato yenso, inkhatsato ngematsambo akhe. Unekuguliswa yimizwa nje, aze abe netifo letilakanyanako nje. Ukabi kakhulu. Nkkt. Beeler, lapho, phakamisa sandla sakho futsi ukholwe kutsi iNkhosi Jesu . . . futsi wentiwe . . . Nkulunkulu akubusise.

²⁰⁸ Uyakholwa na? Nkulunkulu usaphila futsi uyabusa. Uma ukukholwa ngayo yonkhe inhlitiyo yakho!

²⁰⁹ Nangu wesifazane lomncane, ngiyambuka uhleti lapha. Uphetfwe yinkhatsato yelitfumbu lelikhulu. Ligama lakhe, angimati. Kodvwa uyakholwa kutsi Nkulunkulu angangitjela

kutsi ungubani, dzadze na? Nkkt. Berglund. Uyakholwa ngayo yonkhe inhlitiyo yakho, futsi ungaphiliswa. Uyakholwa.

²¹⁰ Nangu lodzadze uhleti khona ngalapha, ukhulekela umngani lovele nje waba nengoti yemoto. Uyakholwa ngayo yonkhe inhlitiyo yakho, ungaba nako loko lokucelile.

²¹¹ Kunadzadze lohleti lapho lohlushwa yinhloko. Uyakholwa ngayo yonkhe inhlitiyo yakho na? Ungaphiliswa. Ungakungabati. Kholwa nje. Uma Angesuye Nkulunkulu lofanako, angati kutsi Ungubani. Ulapha ku—ku, uma utokwemukela futsi ukukholwe.

²¹² [Lodzadze ukhulumma ngalolunye lulwimi. Umnaketfu uniketa inchazelo—Umhl.] Amen. Ayidvunyiiswe iNkhosи.

²¹³ Anicondzi yini kutsi niseBukhoneni baNkulunkulu na? Niyakwenta loko. Manje ngicabanga kutsi sifanele sente kahle manje, emvakwekuba Moya sekakhulumile, “Wotani kiMi, niNgikholtwe, bantfu baMi,” ngicabanga kutsi besifanele simele kubitelwa e-altari khona manje, futsi akutsi labo labangamati Khristu benyuke batungelete i-altari lapha futsi baMemukele njengeMsindzisi wenu. Uma ungakamemukeli Moya loNgcwele, wota, nawe, wemukele Moya loNgcwele, ngoba nje kukutsi kutokwenteka. Ungeke weta yini manje lapho sisatfola ishuni; lotsite utohola kuhlabela. Moya loyiNgcwele bekasolo akhuluma. Nkulunkulu akubusise, dzadze. Kulungile. Lomunye akaphume nalodzadze lapha. Khuphuka ngco uma unaloko... Nkulunkulu akubusise, dzadze. EBukhoneni, lapho liBhayibheli, Livi, kucinisekisa, tiphiwo, yonkhe intfo iseBenta, akumangalisi khona manje na? Khuphukelani ngco e-altari. Phumanı nehle kubovulandi labasesitezi. Wena longena Nkulunkulu, longenako kugcwaliswa ngaMoya, wota manje sisahlabela.

Jesu wendlula ngalapha,
Ngalendlela, namuhla,
Jesu wendlula ngalapha,
Wendlula ngalapha namuhla.

Jesu wendlula ngalapha,

Ningete neta yini manje lapho Asendlula, uMoya waKhe unyakata, nitsi, “Wota”?

...namuhla,
Jesu wendlula ngalapha,
Wendlula ngalapha namuhla.

²¹⁴ Ningete neta yini lapho Asendlula na? Bukani kutsi Wentani emkhatsini wenu, kukhombisa kutsi Usenguye. Phumelani ngco ngephandle, wonkhe umphefumulo longaMati, longakatalwa kabusha. Ningete neta yini manje kufuna Yena na? Khumbulani, loMoya loyiNgcwele lofanako uyanati.

...indlela namuhla.

Jesu wendlula ngalapha,
 Ngalapha, namuhla,
 O, Jesu wendlula ngalapha,
 Wendlula ngalapha namuhla.

²¹⁵ Manje akutsi wonkhe umphefumulo manje longamati Nkulunkulu, longenasiciniseko ngekuma kwakho. Chubeka wehle ute. Unga—ungabi... Ungabinawo umcondvo wekuhlakanipha wakho, mnaketfu, dzadze. Ungakwenti loko. Ungahle kube wente nomu nguluphi luhlobo lwemuzwa. Ungahle kube ubenengati etandleni takho, ebusweni bakho, ungahle kube ubenekudledletela, nalokunye nalokunye. Akukho lutfo lolumelene naloko, manje, loko kulungile. Ungahle kube ukhulume ngetilimi, ungahle kube udanse eMoyeni, futsi ube usolo ulahlekile. Kunjalo. Kutofanele kube kuPhila lokutalelwé kuwe, lokutsatsa leLivi futsi kuLente liphile kabusha futsi. Niyabona, Khristu uLivi. Futsi uma usengenako kukholwa namanje kuhamba ungene kuleloLivi futsi uLikholwe, angeke ute manje.

²¹⁶ Njengoba liBandla laNkulunkulu, njengoba kuKhanya kwakusihlwa kucala kukhanyisa phansi, futsi ne—nesihlahla siyavutfwa; Nkulunkulu watsi Utobuyisela lesosihlahla, lesosihlahla lesifanako sephentekhostali, luhlobo lolufanako IwekuKholwa, intfo lefanako yonkhe lebebanayo, lesosihlahla sitobuyiselwa futsi; ngaphandle kwelihlelo, ngaphandle kwanoma yini, kuyofika ngemandla lalula aMoya loyiNgcwele, afundzisa liBhayibheli impela nje ngendlela Lakwenta ngayo. Sitsenjiswe kunye etinsukwini tekugcina, niyati, kuta nekubuyisela loko kuKholwa. Ngako ngiyakholwa kutsi Ulapha kusihlwa, esimeni saMoya loyiNgcwele. Wotani manje, lapho sisahlabela futsi, ngako sitociniseka kutsi sikkwentile.

²¹⁷ Manje khumbulanı, uma lena umoya... Nine bantfu bePhentekhostali impela kholwani tiphiwo tenu tetilimi nekuhumusha! Uma ungeke ukukholwe loko Lakwentile *lapha*, khona-ke kholwa tilimi tenu nekuhumusha, kwekubitela e-altari. Akute wonkhe umuntfu. Uma ubona *lokwa* kusebenta, *loku* kusebenta, Nkulunkulu asebenta, ngani, nguNkulunkulu! Kakhulu kangakanani ke, nali Livi lapha liKucinisa, litsi KuliCiniso. Wotani. Kanye futsi manje, futsi wotani manje.

Jesu wendlula ngalapha,
 Namuhla, namuhla,
 Jesu wendlula ngalapha,
 Wendlula ngalapha namuhla.

²¹⁸ Manje akutsi labo labakholwa kuNkulunkulu, bafundisi labangewe mbamba ne—netinceku taKhristu, wotani, niphuma, lapho sisahlabela futsi manje. Sondzelani edvute ne-altari, ngakulaba lapha. Futsi asikhuleke nabo, ndzawonye. Wotani. Ningeketa lapha na? Angikwati kufinyelela kubo,

bonkhe, ngetandla tami. Ngifuna nine nite. Labanye benu banaketfu labakhontisako yehlelani emkhatsini wabo entasi lapho manje, kute nitobatsintsa futsi nibeke tandla tenu kubo. Kulungile. Wena lowati Nkulunkulu, wota, yenyuka utungelete lapha, labanye benu nine besifazane nalaba besifazane, wena ndvodza nalawa indvodza. Yenyukelani lapha manje. Loku ngu—ngumyalo waNkulunkulu. Yenyukani manje, nine bantfu. Loko, nguloko-ke, leso sikhatsi. Labanye benu bomake labesaba nkulunkulu nalabanye benu banaketfu labesaba nkulunkulu, yenyukelani ngalapha manje kute nitokwati kubeka tandla tenu etikwabo, ekuciniseni, nibeka tandla tenu etikwabo kutsi batokwemukela Moya loNgcwele. Kulungile. Manje, nguloko-ke. Nguloko-ke.

²¹⁹ Manje, uteleni na? Ngoba uyakholwa. Ukholisekile kutsi Nkulunkulu usemkhatsini wetfu. Ulapha kusihlwa. Ulapha asebenta ngetibonakaliso letinkhulu netimanga.

²²⁰ Ngenani ngco nisondzele, wonkhe umuntfu. Ngenani ngco kute bantfu batoba nendzawo lenengi kakhulu. Ngenani ngco nisondzele. Kunalabanengi labetako behla ngetikhala tetitulo, niyabona. Ngenani nije nisondzele.

²²¹ Bangakhi etetsamelini lokhatsatekile ngalabantfu laba labeme lapha manje, ngensindziso yemiphefumulo yabo, phakamisa sandla sakho. Kulungile. Akutsi sonkhe kanyekanye manje, siphakamisele tandla tetfu kuNkulunkulu, futsi sicele umkhuleko.

²²² Babe wetfu loseZulwini, siletsa kuWe kusihlwa letetsameli, naMoya loNgcwele emkhatsini wetfu, lokhona manje, enta Livi laKhe liphile kabusha futsi. Gcwalisa yonkhe inhlitiyo, Nkhosi. Wota ngemandla aMoya. Siphe kona, Nkhosi. Cosha konkhe kwesaba, wonkhe develi. Ngena ngemandla aNkulunkulu, futsi wengamele lempiphefumulo. EGameni laJesu Khristu, ngibanikela kuWe ngenkhatimulo yaKho.



JEHOVA-JAYIRA 2 SSW62-0706
(Jehovah-Jireh²)

LoMlayeto ngeMnaketfu William Marrion Branham, kwekucala wetfulwa ngesiNgisi ngaLesihlanu kusihlwa, ngenyanga yaKholwane 6, 1962, eMunicipal Auditorium eGrass Valley, eCalifornia, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa neSiSwati kwakhicitwa kwakhishwa yiVoice Of God Recordings.

SWATI

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org